

西事江略

一  
八  
函  
冊

西事彙略卷七

迤西陸防各軍總司令部編輯

政務下

教育

省城學政司鑒號電悉榆城中學成立幾費經營今縱不能擴充乃欲加以歸併若學生俱照舊額恐省校必不能容若省城分設數校恐經費必不能減且吾滇地方寥闊在三迤中心點各設一中學各生已或畏跋涉之勞全併省城從學者少則千餘里多或式千餘里其不廢於半途者鮮矣學生廢必減額既減額必議裁屢減屢裁費固省而人材則終不可得建設前途尙堪問乎學務固非根源專責然此次之出既預聞地方政治則學務亦其一端蒙自所不敢知大理則必不可并頃已電請軍政部更正前案希仍照舊辦理免事紛更爲要如何乞覆根源簡印

省城軍政部鑒大理中學堂幾費經營始克成立源到榆後詳加攷察非惟不可議廢且當力圖擴充昨以由雲龍委署永昌府電請軍府以楊瓊接任校長奉復允准在案

繼復以學生人數過多無考定教科稽核功課之人教務必致揉雜當予暫行添設教務長一員札委教員張肇興兼充電知學政司備案頃准該司復電稱大理蒙自中學師範各校明年均併歸省校辦理已詳奉貴部批准等語查雲南地方寥闊建設需材榆城中學辦理得宜甫議力籌欸項再予擴充今乃議均併省校在學生或憚跋涉之勞逡巡而止在省校必形擁擠之患管教爲難源既與聞民事學務亦民事之一實大以爲不可應請將前案更正飭將各中學照舊辦理庶於建設前途有裨愚慮所及希核辦示復根源叩箇印

省城軍政部鑒養電敬悉扶持小學探教育之原體恤地方省徵收之苦用意甚善無容贊詞惟第二中學欸項本由各府中學歸併因有不盡由地方籌解者且一切欸項何一不出於地方不必待籌解徵收而後屬於地方也中學所造仍各地方之人才不得謂養其才於小學即地方之事養其才於中學非地方之事不必中學之瘡遂爲小學肉也且今之歸併如併於第一中學其欸又何嘗不出於地方抑或另立宏規其欸

是否能不出於地方况由地方籌解與非地方籌解同爲本省之款歸併之後校中之經費仍視學生之人數爲增減盈虛之數殆無差異而道路遙遠膳費騰貴徒使邊遠學生望而却步耳中學生視其潰散則各地方小學皆將受其影響亦非所以爲小學計也第三中學交通便而費用等似難概論源忝任西事既有所見不敢不陳如苦徵收之難或予酌減二成亦可稍紓財力如何之處統祈裁擇示覆根源叩籥印

雲南軍政部鑒歌電敬悉當經轉電該核長等核議具覆去後茲復據前監督由守稱該校簡易師範一班已屆畢業因事中止擬請飭楊校長將師範未完功課趕即召齊授畢考試畢業以完舊案至新班完全師範自應遵電停止召集等語合並電達用備採擇施行根源叩敬印

省城學政司鑒方今改良教育所有審定教材考核功課事繁體大擬於模範第二中學校暫行添設教務長一員贊同校長規畫一切以新委教員張肇興兼任除給委外希查照備案根源皓印

爲通飭清解學欸事據大理府模範第二中學堂監督由雲龍呈稱本校辛亥年各屬及西雲書院應解學欸俱多積欠辦理竭蹶懇請查核轉飭清解計呈清摺一扣等情據此查摺開各屬及西雲書院欠欸共有柒千伍百餘兩未解堂中用費浩繁日形支絀實於學務前途大有妨礙除分別札飭清解外合行札催札到仰該 即便遵照查明摺開欠欸數目趕于明年正月三十日以前一律解齊勿得遲延致干咎戾切切特札計抄發清摺一扣右札

各府廳州縣西准此  
雲書院董事

大理孫聯長覽頃據第二中學楊校長電稱中學現缺兵式體操一員懇請揀員委充擬卽由該聯隊中遴委品性端方之排長二名往兼充該校兵式體操教員每月每員津貼銀肆兩並希就近給委報查可也總司令部支印

省城軍政部羅總長李次長暨學政司鑒大理中學校長楊瓊本南中宿學未便以瑣務責之耆儒頃聞李君厚本已歸國李君春醴劉君祖蔭亦在省擬請於兩君中酌派一人接任校務俾楊君得資頤養而校務亦賴振興如何乞復根源叩巧印

大理楊校長鑒電悉頃得省電委李君厚本接任校務俟李君到榆再行交替我公宿學雅望源已電准軍府任爲迤西陸防總司令部參事至教務長一職本爲章制所無前以整飭之際暫行變通增派現在榆事就理應卽裁撤以符通章張君肇興卽專任國文教員李君文源因培初任校諸多不便所任教員暫行銷差另候委用並希轉達知照根源豔印

省城學政司轉李培初兄鑒來電悉榆校學生現已增至八班約有四百餘人歷史地理數學教員尙需人請酌聘二三員同來台駕仍希從速啓程爲禱根源叩有印

令迤西中學校前經力爭得免裁併茲復寬籌經費安立規模管教各員又極一時之選舉凡扶持整飭固已不遺餘力將來之成績良否翳惟各管教員是賴務望合力進行悉心整頓克有風聲之樹期符模範之名果該校於一年後成效昭著所有校中管教各員卽當按其成績分別從優請獎以示旌異而勵進行除咨軍政部立案外合亟令知爲此令仰該校長卽便轉知管教各員一體遵照切切此令雲南模範第二中學

校校長李厚本

雲南官印局李潤泉兄鑒前飭秦善澤向貴局購石印機及鉛印活字本寄爲榆校之用現在該校需用甚急請與毓初妥爲籌畫速將所購器具配齊寄榆爲要值銀若干順示卽飭滙還根源叩佳印

爲札飭事照得大局既定建設需人必培養而後得人才非教育不能求實效查騰屬等小學學生現已畢業一班大理中學正在擴充亟應遴選錄送前往肄習合行札飭爲此札仰府公所查照舊案原送十七名之外再選送二十三名共足四十名之額一面

妥籌的欸以重學費此項選送學生應先儘此次畢業各生遣送其餘各學堂中及民間私塾子弟如有程度質地相當者仍可由府按格考選以廣造就并將籌欸辦法剋日議覆俾得早日資送無誤學期是爲至要右札騰衝府黃謙自治公所

大理中學堂楊校長鑒查騰越前送榆郡中學舊班學生十七名已改送日本三名僅餘十四名茲又添送新班學生伍名明詒董殿臣董殿魁羅朝湘李仲德陳定高余維

蕃趙德進闕金元尹培源許仁浩許仁傑李鑫泰張浴孫大光李崇新孫大槐莫自海  
趙德芳寸尊倫寸家興許奠國寸時久寸樹聲二十四名共計三十八名已飭府備文  
申送二三日內即可首途特此先聞總司令部刪印

令照得第二模範中學堂學生向由各屬申送來榆肄業每名解費銀五十兩并由學  
生添補膳費十二元前經照辦在案本年推廣學生二分之一如前送十名者添送新  
生五名共准送十五名餘則類推雖云加增名額并不格外收費僅照舊生若干名每  
名飭繳費銀五十兩其學生添繳之膳費銀十二元亦全行豁免以新舊班學生平均  
計算每名僅合繳銀叁拾叁兩叁錢現該校學生將已足四百名編爲八班所有改修  
講堂宿舍購置書籍紙張器物臨時各費在在需欸雖極力節減而預算全年薪修經  
常費實需銀壹萬兩火食費實需銀八千兩此外如改修講堂宿舍購置書籍紙張器  
物體操衣各臨時費約需銀五千餘兩年共需銀二萬三千餘兩本年入款官費自費  
生應繳費銀合計一萬三千餘兩西雲書院舊款合銀二千八百兩現由省撥助銀一



千四百四十兩共入銀一萬七千二百四十兩下不敷銀約六千兩現在民力既艱公帑尤絀此項不敷之款本師長雖竭蹶萬狀必當勉力籌維決不忍再以涓滴責之於各官紳學生惟是各屬既增送學生而學膳各費反較上年減少已屬體恤周至在各屬官紳亦應力任其難仰體當局者之籌畫非易早將學費依限解繳以維要政而開學日久不特不將本年上學期應繳之費照解即去歲欠繳之數亦任意虛懸殊屬不成事體合行嚴飭爲此次令仰該府廳州縣自治公所遵照限文到五日迅將本年上學期應繳一半學費并舊欠若干依限解交該校以濟急需又舊章於各生應製操衣及所頒講義均須自行繳費現在操衣一項已由公家製備不再取資惟改良教育圖書課本增訂者多應收講義費酌加爲每生年繳銀三兩仍由各屬按名併同每期學費彙繳其下學期之費限至六月三十日解清勿論如何爲難應由該府廳州縣官紳先行挪墊一面自行籌款彌補如再任意拖延官則罰薪撤任紳則從嚴罰金決不寬貸其能將各期學費先期解繳者即記大功一次以示獎勵再各屬選送名額均經分

別規定以後各屬官紳務須照額還送如所送學生不及定額此項學費仍應按名解足缺額聽其續補以杜怠玩因循之弊至該屬如有自費願來堂肄業者每名飭繳學膳費銀三十三兩三錢講義費三兩共銀三十六兩三錢須將全年學費先行備齊始能由該處地方官備文申送來堂收學以免蒂欠切切此令迤西各屬府廳州縣各府廳州縣自治公所

令查榆城中學經費純恃各屬解繳之款以資應用該府申送學生至五十名之多應解膳學各費至一千八百餘金較諸各屬不啻倍蓰且能於本年應解之款先期如數繳解尤爲各屬所未有似此熱心學務深堪嘉許自應照前通令記大功壹次以示獎勵除咨軍政部飭學政司立案外合行令知爲此仰該府即便知照此令騰衝府知府黃謙

一件據雲州紳士呈強奪公款借公害公等情一案由

批呈悉凡地方公款無論官管紳管皆不得從中侵蝕任意把持查此項田租從前原

係蔣炳堂送作大理西雲書院經費嗣由書院撥還以作順雲緬三屬卷金旋又以之  
修建三屬考棚復將此欸開辦府屬初級師範學堂及師範停辦乃提作備解大理模  
範中學學費是此欸本係順雲三屬公共之欸迭經歷任府歸作公用十餘年來並無  
異辭茲該紳等藉口反正遂將此項據爲已有抗欠不交豈以反正後即將前案全行  
取銷可任由該紳等盤踞把持耶如謂甲鄉之欸不能移作乙鄉之用此指各屬自治  
經費而言何得妄爲比擬若云此地距雲近而距順遠坐落在雲者雲即可霸收假如  
太和之附糧在賓川趙州豈賓趙兩屬亦即可估霸不繳耶至於雲屬辦公經費措款  
維艱斯惟賴地方官紳妥議熟籌秉公協助萬不得以三屬公共之欸供一屬揮霍之  
資况經營者之短報穀價挪後移前種種弊端藉公肥己斷爲公論所不許法律所不  
容也以後此項田租永遠仍歸順甯府經營收作常年解大理中學校學費該府所送  
學生皆順雲緬三屬之人所解之費卽順雲緬三屬之欸無論何屬不得再有爭執借  
事挪移每年秋收後由府行知雲州酌定穀價舉紳包收除去納糧若干全數繳府備

解其售穀價值應以年歲豐歉市價高低爲衡所折獲之租銀除中學校欸外有餘仍留作闔府辦公之用不足由三屬按名均攤籌補以昭允協上年該紳等已收之租穀應由府飭州查覆賣穀時曾否稟明該州調查現在穀價每石估計得銀若干勒令該紳等卽日如數繳出解府以歸本年上學期之墊款併批解下學期之欸斷不准狡賴違延致中校之欸無着如該紳等有意把持假公濟私卽按名從嚴押追稟候懲辦以爲藉詞強收公欸者戒希順甯府轉飭雲州官紳等遵照暨令知順緬兩屬官紳一體凜遵切切詞抄發

省城軍政部財政司學政司鑒前以榆城中學校欸急需飭由大理府秦守撥銀貳千元應用原由省領回補助該校之貳千元歸欸茲將該校學欸通盤合計尙不敷陸千餘兩竭力籌維尙未就緒此項補助之貳千元現由李校長厚本帶榆源已令其仍留作該校之用其大理府前撥之欸擬均作爲學政司之補助金毋庸歸還該府准其報司於府稅項下撥解卽由學司咨會財司知照立案仍由榆校具報司學校銷此實

因檢校日見發達籌款萬分艱難不得不極力設法免致退步且查第一中校學司諸凡籌備需費甚多檢校現有四百餘學生約計每人所沾漑者不過數元似可照准以後通常仍守以前貳千元之數此次提撥之款下不爲例可也並乞分電飭遵示復根源叩儉印

省城軍都督府鈞鑒趙州產石磺爲騰關出口大宗從前石磺公司未領三聯單以前每年出磺六七千駄由州署每駄征稅銀三錢三分年約得銀貳千上下除額解百貳拾金外均歸官吏家丁中飽現大理中學堂亟待維持經費不敷擬卽提此項中飽之費作爲學堂之費飭由下關商會釐局按駄征收除額解外儘數解繳中學堂開支造報該公司前在檢具呈當經批飭將此次領單之磺運竣仍照完內地釐稅該公司業已遵從曾錄批具文呈報如此辦理於釐稅不致虧損於學務更大有裨益至前西道議請加課大理府議請加捐均未實行以後既照完釐稅應予一律豁免除另文呈請立案并分飭遵照外合先電稟乞賜查核巡按使藩師長根源謹叩歌印

咨案據財政司呈案奉軍政部批本司呈趙州石磧課稅照舊征收一案奉批呈悉趙州石磧稅既經涓滴歸公卽未便沿中飽舊說逕由省外提取致紊財政統一章程大理中學堂不敷經費應由該學管理員列欸報明酌辦等因一案後開奉批前因除呈覆分別咨行外理合具文呈報師長查考等情據此案查本師長前以大理模範中學校常經年費尙不敷銀八千金左右若該校以經費不足不能支持勢必因之解散殊爲可惜故反復籌維首由趙州石磧公司出口稅額解贏餘項下年約籌得銀壹千上下繼以下關釐金歸之商辦大加整頓由比較贏餘項下年約籌得銀二千兩左右又松桂會之騾馬場尙未抽收釐稅議定從本年起前往征收此項騾馬捐以後永以爲例年約籌得銀叁肆千兩合計三項年約共籌得銀七千餘兩此三項者或係吏胥每年中飽之數或係國家漏未稽征之欸一經設法整頓立成鉅注以之補助該校常年不敷之數雖稍不足究易圖維既不剝削庫儲復不苛擾地方集各屬紳民商權僉云周妥業經先後電准軍都督府飭部立案並分別令飭所司切實辦理在案茲准前因

以趙州石礦稅既經涓滴歸公卽未便沿中飽舊說逕由省外提取致紊財政統一章程查國家建設學校正款尙自不惜何況提取中飽且經電准軍府不得謂爲紊亂財政統一章程所有原議提取石礦中飽以助學費仍請體念榆校經費困難准予照辦相應咨請貴部查核飭令財政司知照立案並希見覆施行此咨軍政部

本總司令於本年五月二十五日電陳軍都督府文曰迤西中學校本年學生較前推廣二分之一前送十名者則添送五名餘類推惟加增名額不加收學費各屬攤解學款仍照原定數目解繳舊章學生每名合繳費銀伍拾兩今合新舊班生平均計算連講義費每名僅合繳銀叁拾陸兩叁錢其由學生添繳之膳費十二元並予免繳以紓地方之力而啓向學之心現在該校學生已將足四百名編爲八班預算全年經常費實需銀壹萬兩火食費實需銀八千兩此外如改修堂舍購置書籍紙張器具操衣各臨時費在在需欸極力節減尙需銀陸千餘兩年共需銀貳萬肆千餘兩本年入款官費自費生應繳費壹萬叁千餘兩西雲書院舊欸銀貳千捌百兩現由省撥助銀壹千

四百四拾兩共計入銀壹萬柒千貳百四拾兩出入共不敷銀約六千餘兩當茲民力既艱公帑尤絀此項不敷之欸又不能不設法籌措以維教育茲查下關釐金舊章以八千兩爲比較前釐員黃河源僅解六千零卽黃乾濟加成報解亦未能達定額源前抵榆電請改委商董嚴鎮圭辦理該委自盡義務不支薪水到差後認真整頓從前隱匿之欸一概剔出歸公收入驟增於前詢據聲稱除比較外年約長餘一二千兩之譜嗣後擬請每年仍照八千比較照章除開支外悉數解司餘欸概行撥歸榆校以資補助仍由該校列欸造冊報司查考該校得此補助不敷之數已彌六分之一二其餘不足再爲籌維惟該校經費既賴贏數以維持此項贏數又賴抽收之起色抽收起色惟在釐委得人下關釐務之振興雖由嚴委之整頓亦以身爲商董故能不支薪水聯絡商情設另行委員不惟商情不洽開消亦將培增此項贏餘即不可恃擬請飭司明白規定將來下關釐金專由商會承辦委員不支薪水局卡僅准開支庶開消可以減輕收數不至削色榆校得贏餘之挹注亦賴以維持勿敝源爲扶持教育起見是否有當



乞交部核議示復根源叩等因譯發去後茲接財政司江電稱昨奉軍府發有電已議定遵照原擬歸併商會除加釐菸酒稅外以捌千兩爲額盈餘撥助榆校呈請咨復在案用特陳明財政司叩等由准此查下關釐金收數向旺自該委接辦以來益見起色現經電奉軍府發司核議仍照舊章每年除加釐菸酒稅外定額捌千兩贏餘概行撥歸中學校應即自陽歷六月初一日起將該局解司正欸查照定額除去開支按月照數解繳財政司以完釐欸此外盈餘之數雖難預行確定惟據稱每年約有一二千兩應即暫以此數爲衡按月儘數解交大理模範中學校作爲該校常年經費仍造具清冊呈報財政司查攷該委員等須知前委接辦責成整頓原期收數日旺並別出隱蝕悉數歸公固不能以舊日比較爲限此次因須補助學校經費特將解欸改照舊章定額其定額之外名雖盈餘仍屬正欸不過於收數內劃出一部分以作學校經費不得因釐額已完遂可自卸責任現爲擴充收數維持學欸起見特將下關釐金由司規定歸商會承辦委員不支薪水僅准開支尤期在接洽商情節省開支俾收欸日以加增

而學欸不至支絀將來此項學校經費不惟不得於前數再有短少並須力爲擴張以求副改歸商會之用意而勿負該委整飭之初心本總司令將以歲入之盈虛而課成績之優絀也除令中學校外爲此仰該局即便遵照此令下關釐金委員嚴鎮圭令照得本總司令前以迤西中學校日益發達該校常年經費預算年需銀二萬四千餘兩除各屬應解學膳各費及西雲舊款暨省城撥助外尙不敷銀六千餘金內如省城撥助之一項本係截止今年後不爲繼統計該校常年經費比較年尙不敷八千金左右本總司令愍焉憂之以爲該校自去年經學政司建儀原係歸併省城經本總司令以大理地爲迤西適中學生往來甚形便利若歸併省校則迤西教育前途大受影響再四力爭而止若該校以經費不足不能支持勢必因之解散甚非本總司令維持該校之初衷自永昌返榆以來反復籌維首由趙州石磺公司出口稅額解贏餘項下年約籌得銀壹千伍陸百兩繼以下關釐金歸之商辦大加整頓由比較贏餘項下年約籌得銀貳千兩左右又松桂會之騾馬場尙未抽收釐稅議定從本年起前往征收

此項騾馬捐以後永以爲例年約籌得銀三四千兩合計三項所得數目年約籌得銀七千餘兩此三項者或係胥吏每年中飽之欸或係國家漏未稽征之欸一經設法整飭立成鉅注以之補助該校常年不敷之數雖稍不足究易圖維既不仰給庫儲復不苛擾地方集紳商權僉云周妥業經先後電准軍府飭部立案永遠遵行除分別令飭所司切實辦理外應將此事籌議計畫往來文電一併付印分發爲此令仰該 即便一體查照切切計發石印電文一紙此令各府廳州縣及自治公所

爲命令事照得國民教育必以小學植其基永昌變亂之餘尤應力謀教養乃查城鄉等處小學既不發達師資尤爲乏人坐此苟且因循不加整飭使不明教授法者皆得濫竽充數教育前途將愈墮落而靡所底止現省中師範畢業各生多經分派任事此間需員甚夥調用亦苦不敷新生畢業須時更難懸期以待公同籌議惟有先於永城趕辦簡易師範八十名以應急需畢業期限以三個月爲限學生資格以文理明通舊學較有根底者爲合格不拘年齡期在速成如舊日塾師有志就學擇其可以從事者

必予取錄以後城鄉各處小學校管教員除前林教員春華等所辦畢業之一班外非此項畢業新生不能委充以資改良所有設校地點編制課程經費膳費即由永昌府會同自治公所悉心規畫限五日內擬訂呈候核定刻期成立庶幾教育有振興之望地方無失教之民其效益良非淺鮮除呈報咨行外合行命令仰該府該公所即便遵照辦理具覆切切此令右令永昌府由守永昌自治公所

大理中學楊校長鑒永昌開辦師範傳習所缺乏教員請代聘周謨段定元兩君剋日赴永薪修照檢例川資來回肆拾元煩先墊一半由永繳畢業後仍回原差根源灰印令地方固閉首重教育教育良窳端賴師範本總司令前在永昌飭於府城開辦簡易師範學校一堂選送師範生入校肄習三月畢業派充各小學堂教員在案該縣小學萌芽師範缺乏准其選送師範十名送永附學各生應繳膳費并每名每月津貼貳元均由該縣自治公所籌備解府轉給其學費服裝本應由縣解繳惟該縣素稱貧瘠無款可籌暫准變通由校備給以宏造就除分令外合行令知爲此令仰該

縣公所

即便會

同該公所迅速選送合格師範生十名由縣呈送本管府送校肄業勿得玩延切切此

令永平縣知縣李治永平自治公所

爲錄電行知事照得本總司令官致省城軍政部效電文曰請遴派師範畢業生湏程  
度較優者二三員來騰月定每人薪水銀廿五元旅費各給三十元選派定後希復等  
語譯發去後旋准學政司宥電開李師長鈞鑒效電悉現派趙永泰殷維翰董崇正三  
員來騰旅資由司墊發乞飭滙還李華陳文翰叩宥印等情據此亟應行知該守即  
便遵照特行右行騰衝府黃守騰衝自治公所准此

令查騰衝應解中學校本年學欸一千八百壹拾六兩因中學校需欸甚急曾由本部  
將李德沛賍欸銀壹千兩提出代該府墊繳中學校前已電明在案惟李德沛此項賍  
欸應行以六賍撥歸騰衝城高等小學堂以四賍撥歸城保兩等小學堂作爲擴充經  
費不能移作別用除令自治公所外合行令仰該府即便遵照將本部由李德沛賍欸  
提出代該府繳中學校學欸銀壹千兩如數籌足撥交自治公所以作該府高等小學

堂及城保兩等小學堂經費之用切切此令騰衝府知府黃謙

令飭遵辦事照得除暴所以安良清匪庶能弭盜本師長於永郡亂後變換方針即以誅戮強暴嚴緝匪徒爲先務查有和順鄉民人寸尊瑜平日不安本分窩留散勇至數十人之多欲在該鄉肇亂種種行爲殊堪痛恨本應即以軍法懲辦姑念鄉愚無知從寬將其家產各物查封全數撥歸該鄉小學堂以作公產而示懲除令飭自治局外合亟令飭爲此令仰該府遵照迅即將寸尊瑜家產查封派員會同自治員紳將該民家產各物點清開單全數撥充該鄉小學堂公產仍將辦理情形稟復核奪切切此令騰衝府黃謙自治公所

令東嶽之義見於虞書城隍之字著於易象後世附會俚誕不經詭設天堂僞報地獄積俗相沿建廟崇祀每逢朔望及暮春大會婦女如馥雲馨之氣彌天詛咒之聲盈耳種種怪象不可縷指亟宜斥除以破迷信而正人心騰衝城舊有之東嶽廟城隍廟其屋宇宏闊高臺爲各寺廟冠而人民之崇拜亦較各寺廟爲甚當此變革之始宜祛舊

染之汚以進文明之域令到即將該兩廟土偶各像悉數銷毀至東嶽廟內之地藏瘟神血湖池子孫等殿一併毀除稍加修葺改爲初等小學校兩堂凡城保子弟自九歲以上十三歲以下皆令入校肄業限定本年舊歷六月初一日開學經費由屯田項下撥用教員由簡易師範選充并由該府騰衝府先期出示曉諭並飭警察局確切調查學童年齡飭其報名入學屆期不至或隱匿不報者罰其家長銀二十兩再違則處以倍罰或拘禁之庶幾人才可以蔚起而邪俗從斯屏革一舉兩善斯亦地方之幸也再騰衝僻處邊隅民智閉塞實行強迫教育爲當今之要務而此次所籌辦法又爲各練之基礎一二年後擬卽通行於十八練務宜認真整理按期開辦俟屆八月本總司令官即派員來騰攷其成績覘其規模幸勿漠視而漫置之是所厚望除分令外仰該府公所即便遵照辦理並將辦理情形隨時稟報此令騰衝府知府黃謙騰衝自治公所商務分會分會雲南軍政部李梓暢楊毅廷兩公鑒永昌男女學校八十餘所教科書籍無從購置龍陵永平永康各屬尤極缺乏距省均二三十站購運維艱進步甚遲職此之故非有機

器就地排印不足以資講授擬請由本屆請准卹欸壹萬兩內撥貳千兩飭由官印局擇取完善鉛印機一付配齊鉛字並多配付二三號者並選印刷匠刻字匠各二人尅日運永費少益多教育界利賴無窮如蒙贊同希先賜覆爲禱根源敬印

令照得去歲反正之後查有劉匪竹雲率領多人行至杉木和地方勒索民人劉正福出銀貳百兩該民再三央求始免讓銀貳拾兩經交銀壹百兩下餘八十兩劉匪曾派黃金山楊福祥二人催收並訪聞此項銀兩黃金山楊福祥業已收獲尙未交與劉竹雲亟應追繳充公撥歸該處以作學務經費除令飭自治公所知照外合行命令爲此令仰該府遵照迅即將黃金山楊福祥二人傳案勒限追繳勿任狡延切切此令永昌府由雲龍

令發該府屬杉木和地方著名會匪王榮邦於去歲反正時胆敢冒充管帶糾約匪黨多人搶掠搃詐魚肉鄉里地方受害者十餘戶前者師出杉陽迭據該處紳民等呈控前來復派員調查屬實隨即令飭宋保奎鄧中隊馬巡檢等屢次嚴密拏辦殊該匪等



異常狡詐先已遠颺惟查該匪尙有住房一所昨經派員前往封禁應由該府變價除代還永國寺欠租銀壹百陸拾兩外餘之數概行撥充該處學務除令飭自治公所知照外合亟命令爲此令仰該府遵照轉飭趙巡檢查明此房共有若干間迅即辦理仍隨時嚴緝該匪等務獲究辦並由該府通報查考切切此令永昌府由雲龍

一件據大石庵住持僧慈惠稟請減免抽收以維古蹟由

以籤票費渡船租兩項提辦學堂正合菩薩普渡衆生之意未便減免至本寺修補尙留渡船租錢伍十千亦足敷用以後如該租戶借故不納儘可稟由大理府飭追可也此諭

一件據太和紳士李文源等稟爲請定女學校地批准立案以垂永久由

女子爲國民之母欲注重家庭教育自以振興女學爲先河榆城開辦女學堂甫及一年而學生已有五班秩序整齊彬彬雅雅其師範與甲班尤有文學較勝突過高等小學男學生者具見風氣開通勤學自立殊堪嘉慰該管教各員既具熱心克盡厥職而

學生又大可造就自不得不妥籌辦理以期完全據稱該學生一歲三遷儻無定所擬請移入楊公祠作爲永遠校地等情惟查忠愍功德在民馨香肇祀必甚願此邦人士嫻習姆教振起學風今以廊廡之間移作講堂校舍其英風壯節諒能呵護維持使荏弱之質成爲巾幗英雄者所請應予照准卽抄批呈由大理府詳報學政司立案施行至楊氏族人有居在祠者仰該紳等從速擇一公廨或民房爲之代賃俾其遷住該楊氏族人明白大義務卽剋日騰空毋誤女學開校之期是爲至要此批

一件據前副將銜楊發科同侄機關槍小隊長楊光龍呈請將榆城楊武愍公專祠內所設女校遷移俾便致祭由

呈悉榆城女學校現設楊武愍祠內實以校舍無定暫爲僦居所借用者祇前進客廳及前後左右兩楹其正廳設位之地如前香火供奉并未稍有侵踰在榆紳等固知武愍功德在民於地方維持姆教振起學風其英靈必有默爲呵護者與其零租雜賃與抱布貿絲者日夕紛囂何如育德成材使佩蕙揭蘭者馨香禱祀該職等須體武愍愛

民之意不可再存私利之心如謂爲人霸佔豈榆城各祠廟亦均爲人所霸耶何不諒之甚也夫建祠所以崇德報功私家雖或出資究係公家所立何得遂據爲己有湖南之大支二支得知此信置而不答頗識大體該職等何不效之而爲此經經之見耶此  
飭

省城學政司鑒土民學堂是否仍舊辦理希速查明電復根源叩敬印

騰衝黃知府永昌由知府順甯張知府覽頃准學政司宥電開舊辦土民學堂改爲初等小學仍接續辦理請轉飭遵照等由希卽迅速遵照辦理並將開學日期學堂區域數目報查總司令部勘印

騰衝黃知府覽冬電悉土民學塾照舊由省請款辦理永昌各塾現已開辦其學費係電省由鹽款撥銀貳千兩塾用騰衝七土司舊有土塾若干堂及新劃歸之三土司舊設土塾若干舊定年共需費若干希卽一併查明電省請撥款迅速開辦可也此復總司令部冬印

騰衝黃知府覽土塾學堂卽由自治局派員辦理勿庸另設專員惟教員恐不敷用簡易師範可再添招二三十名以備委用希即轉飭自治局遵照總司令部冬印

令案查登埂土司舊設土民學塾三堂計登埂一堂上片馬一堂下片馬一堂自英兵進據上片馬該處土塾不能設立昨經視學員楊潤蘭調查報稱雲龍州所屬六庫老窩兩土司之地關係緊要自應一視同仁添設初等小學以期教育普及復據六庫土司段浩及老窩土司請將上片馬一堂之薪金一百六十兩劃爲兩堂經費於老窩六庫各設一堂每堂年給薪金八十兩其餘修葺校舍製備棹凳購置圖書招集學童均責成該兩土司設法籌備等情經飭據永昌府由守簽復力爲贊成前來查六庫老窩兩土司地雖隸雲龍而距永昌尙近保山屬之上片馬土塾旣已中輟自應准如所請於該兩土司各設初等小學一堂教員修金卽以上片馬土塾之欸挹注期教育之普及求邊氓之進化卽由永昌府就近選派教員分投教授并按期請領薪金核發俾期便利而免紛擾除呈報咨明分令外合亟命令爲此仰該

府遵照迅即選派教員並飭該視學員及該視學員遵照迅即妥爲籌議剋期開辦並隨州便

上司等妥爲籌議剋期開辦毋稍宕延切切此令  
時稟承永昌府查考毋稍宕延切切此令 永昌府知府由雲龍司視學員楊潤蘭雲龍州知州

遵 照 此 令

蘇紹章六庫土司段浩老窩土司

一件據麗江維西紅教總管大喇嘛僧東寶呈請保教設學由

據稟閱悉該僧東寶自以世胄托迹沙門證慧業於緇衣掌元燈於紅教久已皈心戒律方外無爭還聞苦口塵囂箇中解脫茲以邦家新造日月重光欲永佛法之流傳兼謀教育之普及洵能無出入法流美禪宗况振興新育固全地球所共趨而奉教自由亦立憲國所公認所請設學保教兩事本總司令均予照准惟森林學堂應照章改爲實業林科學校蒙養學堂應照章改爲初等小學校所有指定校地籌定經費改建校舍延聘教員暨編訂教科開辟試驗場各務事須悉心籌畫妥擬規則呈由麗江府轉呈學政司核飭遵辦至另稟請予保護一層業撰就告示發給張貼暨併案呈請軍都督府立案並分飭一麗江府中維兩廳查照矣勉爾前修毋負後望此批

爲札飭議復事國中比歲以還昌言教育顧雖學校林立而科學猶未發達專門之學  
缺然未興是以借助他山取法先進爲今日主張教育者所同認而同文之國又莫近  
於東瀛滇中號稱瘠區每爲經費所限惟此特爲他屬言之耳騰衝近今以來商業雖  
漸減色然猶不乏殷實之家斷無坐擁厚資有子弟而不知教者茲與紳商學界反復  
籌度擬於騰衝一屬中選送自費生十名咨送日本留學以宏造就之路而儲建設之  
才惟今日所需人才以實業爲最急此項選送學生必以能人高等實業學校如歸留  
學時期必以六年以上爲限合計學生十名每年每名約需銀三百五十金其選送資  
格俟後再行布告考驗除分行外合行札飭飭到該守公所即便遵照會同召集紳商學  
界妥爲議籌呈候電請軍都督府咨送前往留學異日菁莪樸棧資以匠成匪特鄉邦  
之榮抑亦國家所賴本師長屬望綦切期在必行萬勿藉口遷延空言塞責此係爲作  
育地方人材起見想各界紳商士夫諒無不贊成斯舉也切切特札札騰衝商務分會  
府黃謙  
自治公所  
令照國家新造百堵皆異苟非培養人才將何以資建設滇中號稱瘠區每爲經費所

限然一郡一邑之中豈無殷實之家足以供子弟留學於外者特以父兄購目前之費遂使子弟無遠大之圖雖由風氣不開亦由提倡不力坐使人才消歇良可爲鄉邦歎夫人有作子弟實賴有賢父兄以培成之本總司令官在騰時曾飭騰衝府會同自治公所選送赴東自費生十餘名爲個人計既得以資其深造爲大局計亦得以儲成國才至保山一縣如馬紳維德李紳寶仁趙紳端魏紳上暹等家皆素封視子弟之可造而不知教必非爲父兄之心茲擬做騰衝辦法由該紳等自備資費各送子弟一人赴東留學此外如有殷實之家可以自備學費者均可援照辦理以期造就日弘人才日廣其於建設前途實有無窮期望本總司令之望於鄉邦與爲父兄者之望於子弟人情不甚相遠斯意必能贊成固非常事之人必強迫而爲此也仰該

府公所

召某各紳妥

爲籌商剋日具覆由本總司令部具文咨送勿得玩延切切此令永昌府知府由雲龍永昌自治公所

爲咨請事案據騰衝府屬南甸土司龔樾椿稟稱窃土司職守邊疆得遇光復祖國五

內實深慶幸惟土司資質庸愚學識淺陋愧無以報國家再四思維惟有玉成後進庶幾有裨於將來茲查有學生吳履中龔龍龔政正屬英年頗懷壯志土司情願將自己每年專鈔銀撥一千二百兩送該學生游學東瀛以作常年經費吳履中願學陸軍龔效龔政願學實業倘異日學成歸國得效馳驅則土司之心亦稍盡矣伏乞查核賞准施行等情據此當經批示稟悉該土司願將每年由騰關專鈔項下領得崗費銀撥出壹千貳百兩送學生龔龍吳履中龔政三人留學東瀛具見熱心愛國力培人材至堪嘉尚自本年起即由關道衙門知會稅務司照數截留每年分上下期交天順詳匯滬轉送日本留學監督查收以作該生等學費惟核計銀數只敷該三生學費旅費川資仍由該土司另行籌給該生等此次赴東須限期六年在高等專門實業及陸軍畢業始准回國如中途退學及犯過斥革卽由該學生等家屬賠繳學費決不稍寬仍候電知軍政部轉飭學政司備案仰卽遵照再學生龔龍取名太僻并爲更名效字合併飭知此批除印發外相應備文飭請貴部查照轉咨駐日留學監督照驗送學實級公誼



滇至咨者右咨軍政部

咨現據騰衝衛戍獨立大隊第二中隊第三小隊長趙德裕稟稱前呈請自備資斧赴南京留學已蒙並同國民軍第十營教習林景新併案給咨在案現在學生籌款已足情甘自費前往日本肄業陸軍懇請另給咨文等情據此查該生前請赴南京求學業經咨請參謀部轉咨在案茲該生趙德裕願改赴日本自費學習陸軍具見嚮學志誠洵堪嘉尙除咨參謀部將該生南京留學名額取銷外相應咨請貴部查照轉懇軍府給咨俾便前往日本以遂求學之誠實爲公便此咨軍政部

令案據騰衝府住下關商民董友莫稟稱商民於宣統二年借與華盛榮下關平市銀壹千兩整立有借券爲證至本年正月該號違犯國法查封各棧號務是時商民在騰未接下關司事已收未收之實信曾經呈明騰衝商務局存立在案覆據商民住關司事信稱舊歷腊月中該號欲在關清還無如未得商民之信不敢主持接收覆接商民照收之信該號歸還之款拾息難延曾經付費玉興牲口運途厥後商民住關司事催

討再四該關號司事曾將已付費玉興運途之銀壹千壹百兩指明由永撥還商民借款不料此銀到騰商會未知先後情形奉命查收以致歸還商民之款曾即稟請守候批示在案商民以人隔異地不能洞悉未曾煩瀆是以商民旅關備查撥還情形該號尙有簿據批明到永歸還字樣爲憑較之該號欠人者有別伏乞作主賞飭發還並據面稱有志赴東留學擬請發還此款以作學費各等情據此查該商所稟各節均係實情有志向學尤堪嘉尙此項銀兩既係華盛榮舊欠該商之款自應由查收華盛榮款內如數提還該商承領以作留東學費以昭情理之當而遂求學之忱他人不得援例瀆請除批示外合行令知爲此令仰該府卽便遵照辦理此令

省城軍政部鑒現充榆城女子學堂教員趙之碩前同女生李蘭芳赴東遊學尙未卒業旋因資罄假歸聞李生由公補助半費迭援此例爲請查該女生資質明敏程度尙優向學情殷尤爲難得擬請照李生例由公發給半費以宏造就可否盼復根源叩皓

印

省城殷總長沈總長李次長鑒寸品傳呈請開去中隊長差使自備學費取道緬甸赴東學習陸軍查該中隊年力強壯家資殷實尙堪造就擬請照准以遂其向學之誠如蒙俯允該中隊長所率目兵由源派員率領回省可否盼復根源叩巧印

大理李師長鑒巧電悉寸品傳自費游學事屬可行所率目兵卽由尊處派員率回除呈請都督轉咨駐日代表外特覆都督府謀漾印

省城軍都督府鈞鑒鶴慶州王牧人驥請自費赴東留學實業志趣遠大深堪嘉許方今百度維新儲才爲急擬請准予咨送以宏造就如何仍候示遵根源叩文

大理李師長鑒文電悉王人驥請送東自費留學實業照准候令司咨送希轉飭知照  
鐔元印

一件據麗江喇嘛東寶指呈籌辦實業推廣小學情形由

稟摺均悉前稟倡設學校嚙衍宗風已深嘉歎今閱摺呈實業學校辦法擬俟初等小學畢業百行完全組織此時先行變通授以簡易學科深得先後之序規定學科課程

亦頗合度惟此次變通辦理意即在使不能入小學者足有實業上之智識技能是於學理上已難深造則將來教授時間必須注重實驗使其卒業以後皆能各執一業乃合設校之初心此經營實業之要領也至小學一端能愈推廣則愈善他日各寺幼童盡納教育之中而後始願爲不負矣麗江既立其基中維尤宜勸導想風聲所樹興起必易爲功也藏事不靖爲邊局憂尋其難端實由無識之徒受人扇擋今將出爲宣慰尤見奔走國事之忱所望經行之地宣揚我民國五族一家之至懷諸教一視之盛情開其蒙蔽示以公誠共趨大同以享共和之幸福有厚望焉

### 實業

省城財政司實業司鑒據麗江姚守到榆稟稱中甸銅務委員張鳳翔於五月赴省至今未回由家屬司事在廠經理現有函稱欲接家屬回省查該牧曾領銅本銀伍千兩竟不回廠交卸究係何人接辦有無銅本未清無從稽攷乞轉電財政實業兩司飭該牧自行冊報解繳等語查該廠關係重要該委輒久不回差已電飭中甸馮永舜生前

往兼辦切實清釐認真經理不必另行委員至該委會領銅本銀伍千兩究竟有無虧挪情弊希查傳該委逐一詢明令其就近冊報分別追繳核銷此間亦已飭馮丞查明分稟貴司矣根源皓印

雲南財政實業兩司鑒中甸銅礦頃據姚守面稱有回龍老廠係商民公辦浪市新廠係委員專辦向章禁私收採官銅交寶雲局鼓鑄惟腥色不齊途遠運艱易致虧折恐馮丞不願擔任且就地售銅較省價高昂商民頗稱不便擬將浪市改招商辦免領銅本即責成廳丞督理廠務俾無廢棄一律按照以百抽五坐收稅銅嚴巡偷漏以裨實業請示等情根源查中甸銅務既屬未著成效徒耗公款該守擬爲官督商辦事暫可行即希由司查案具覆飭遵源養印

令案據維西協李副將學詩稟稱維屬水寒地瘠又居山凹之中耕種不甚相宜全恃開廠以資生活自富龍鉛廠被前清麗江府彭守繼志包與商人後各廠遂不能開辦緣迴龍五廠俱產青銅然性質複雜含有銀水開三種非用鉛以點化不能提出銀質

而水關亦不能撤淨此鉛廠既爲商人包辦所出之鉛又發往麗江各處打錫箔無裨實用反致廻龍五廠青銅無鉛點化或礦如山積無敢開辦居民失業束手待斃查富龍鉛廠係大理商人趙聚五所包年納稅二百餘金所富者一人所害者維屬全境應請俯念民瘼將此富龍鉛廠斷歸廻龍五廠商民承辦俾得借茲鉛廠以興辦各銅廠所有該商趙聚五每年應納鉛價稅課統由廠民按數繳納如此一轉移間庶維屬居民目前可資生活將來廠務發達亦不難年加數萬金課額等情據此本總司令覆查維西地瘠民貧別無執業既富龍鉛廠與廻龍五廠有相因之利與其包之外來客商且係供製錫箔無裨實用曷若歸諸廠民承辦既得因之興辦廻龍五廠以濬利源且目前課額照納仍於公家無損本總司令無時不以爲民興利是念據稟前情自應亟予照准除令該副將遵照外合亟令飭令到該俸即便遵照會商李副將傳諭該商趙聚五即將包辦富龍鉛廠之案取銷所有未取銷以前該商應納鉛價稅課立即飭令清繳并一面召集廻龍五廠商民承辦此項鉛廠一切鉛價稅課悉照該商趙聚五所

包數目按期上納其所得鉛勛專售五廠以資敷用爲度有餘仍准運往各處銷售並應作爲永遠立案以期遵守仍將奉文辦理情形具文報查毋違切切此令維西通判  
蔣繼曾

爲札飭事照得騰衝舊有慎灘鐵鑛明光鉛鑛歷經公家集股開辦因乏深明鑛學之人究未窮盡其利溫永前知廳事曾提議就騰選送學生出洋研究升學酌籌學費業將該鐵鉛兩廠議決交商辦理每年包解公款一千二百兩旋因反正停止現在騰衝大局已定實業爲當務之急况已發見之產若令久於曠廢不惟利棄於地抑覺功廢於成合行札飭札到該府即便督同商會及自治公所該分會即便會同自治公所該公所即便會同商務分會商承騰衝府查調舊案妥爲協議此項鑛業究應由公家遴員開辦抑或公舉富商認欸包辦認包欸項即作爲地方公用或仍專備出洋學習鑛學學生學費務須詳細議覆勿延切切特札札騰衝府自治公所商務分會爲行知札飭事照得滇省五金鑛產孕蓄豐富特民智晚開或囿於土法或投以微資

或作或輟寶棄於地良可慨歎騰屬山脈雄厚除金錫而外銅銕鉛煤各礦所在皆是惟因提倡無人竟皆廢棄茲查有同副都尉寸尊福老成望重熱心實業堪以委往緬甸等處邀約華商招集股本回騰創設公司妥擬章程講求新法聘請礦師從事勘測購運機器以資開採庶幾成效可期用闢利源而裕國計除札委該員騰衝府及自治公所外合行飭知札委爲此仰該府該公所即便遵照一俟該員招集返騰迅卽會同悉心籌畫妥爲辦理以闢利源切切特札仰該員遵照迅卽前往緬甸新街等處邀集華商多招股本早日返騰會同騰衝府及自治公所各員紳悉心籌畫妥爲辦理以闢利源切切特札右札知騰衝府自治公所札委同副都尉寸尊福

爲札飭併案查辦事前據趙州民人楊維禎等呈報紛開金廠損壞良田一案當經批示稟悉查滇境多山交通不便凡有興利之事皆難驟闢惟五金最富甲於全國所有礦產方當設法拓充以濟利源而資生計乃據呈該州屬雙馬槽等處開挖金廠有碍生民痛陳三害各條殊乖情理蓋森林砍伐可以補種實爲生利之一端至沙淤水冲



廠丁滋事各節均可隨時設法消弭似不能因日前小有窒碍遂爾因噎廢食以私害公抑係愚民惑於往日風水之說故爾飾詞淆聽尤碍文明進步仰該州牧按照所稟情形逐一確查權其利害輕重酌議具覆候核切切稟發仍繳批發之後尙未據復茲復據該民等續呈前來自應准予併案查辦除批示外合亟札飭爲此札仰該州即便遵照迅速親往查勘究竟該處礦苗是否不旺水利是否不修及糧田是否被損抑或於礦質不諳提煉水害不知消除以致該民等有所借口務須遵照前批熟權利害尅日詳晰稟復以憑核奪毋稍徇延切速特札

一件趙州議長常鼎元呈覆遵查州屬雙馬槽金廠利不勝弊情形由

呈及碑文均悉此案并據張提督咨呈請禁前來查開辦礦廠原爲地方開濬利源惟恐採辦之不能普及斷未有已開之廠而遽予禁辦者也乃州屬雙馬槽金廠既非資本正商經營又無熟習礦師開辦概屬一般無業游民藉爲糊口生涯無怪益少弊多地方受害既據呈請封禁應予照准封禁五年不准採辦暫除地方之害仍圖善辦之

方但此五年之中應由該州紳商竭力經營妥爲預備或勸導集股聚資徵求高等礦師或製備採辦機器設法去淤疏河總期有益無害再行開辦庶足以興實業而裨地方須知此時封禁者爲地方除害也異日開辦者爲地方興利也該紳民等其共凜之仰趙州朱牧訖即遵照出示封禁暫行不准開辦并卽錄批照知自治公所員紳遵照辦理仍呈報軍政部立案切切原呈碑文及咨呈併發辦畢仍繳摺由批

爲呈請事項據下關洪盛石礦有限公司商人董朝榮稟稱商號在關貿易多年經營石礦生易發往緬地銷售每爲英商扣勒他號同販石礦者無不虧折卽賣石礦各硐戶亦均受其影響前蒙大理府鄒提倡公司振興商務照會下關商會傳集買賣二比提議創設公司以開風氣無如地處邊隅商務未見擴充於集股一事每有戒心而各硐戶因之受虧日久屢經商會集議其各商與各硐戶現存之石礦情願歸併公司由後各硐所出之石礦按年定數照交公司因商號前買之存礦太多似有欲罷不能之勢情願籌措資本大龍五萬元創設合資洪盛石礦有限公司已與各硐廠議定現存

之磺儘其所有按每碼一百八十斤議價關市銀一兩八錢公司成立之日概歸公司承受其照價應付銀兩歸公司分四季交兌至公司每年認銷額數亦與六硎廠頭議明每年照交公司式千七百碼之數初年定價壹兩捌分次年每碼遞加價銀叁錢至八年後磺價應加若干又爲再議所有六硎廠不論何人輪流開辦所出之磺除額交式千七百碼外若有餘磺無論東西各路不得私賣支馱致碍公司均係齊集商會議決訂立合同經商會通詳立案咨部註冊給照歷經遵章辦理自前清宣統二年元旦日起爲公司成立之期迄今將近兩年幸值文明改革仍舊辦理仰見軍政府體恤商情之至意惟石磺一貨僅產一山山勢寬廣昨已訂立合同歸併公司之六廠概屬州轄境茲山之南又爲蒙廳所屬去年業商歐姓等集股於田口村地方新挖一廠查該廠開挖係在設立公司之後故未載入原議六硎合同之中俟後蒙屬田口村新廠無論出磺多少仍須照章歸併公司不得散賣致碍銷路公司亦不得歧視所有厘金稅課公司認承一體照納此皆商號承辦石磺公司之實在情形也其原議一切細密

章程除原日商會照章通詳有案茲將始末情由縷稟伏乞查核賞准轉詳另行立案  
註冊換給執照并祈分札趙州蒙化各硐戶一體遵守計呈粘單一紙等情據此當經  
巡按  
師長會同核明批示稟及粘單均悉石礦爲騰關土貨出口大宗然銷路狹而獲利微  
以前各商零星販運每至虧折該公司成立之後於今將及兩年買則與六硐硐戶訂  
立合同賣則與英商訂立合同內可以挈領提綱外不至跌價虧本實於商務前途有  
裨茲當改革之後凡屬商務營業均當力予提倡該公司係與鄰國通商尤當保其利  
益頃據下關商務分會抄呈該公司清冊一本條規布告合同各一件六硐原呈一紙  
備文化該公司呈請轉詳軍都督府另行立案註冊換給執照前來已由本巡按  
師長核明  
據情轉呈請飭實業司分別照辦蒙屬田口村新挖一廠因在公司成立之後未載入  
原議六硐合同之中應准仍歸并公司整買整賣卽由該公司查照六硐原議價值年  
限與該硐戶訂立合同一律辦理并候呈請飭司備案一面仍准分札蒙化趙州兩廳  
州轉飭各硐戶一律遵行至各項漏規應否豁免抑或化私爲公之處亦即請飭司核

明飭遵可也等語批發去後隨復飭查于本年正月據趙州朱牧復稟稱遵查此項石  
磺每馱州署征稅銀叁錢叁分內歸官收式錢捌分門印式分捌厘房費式分式厘票  
錢每張叁拾文此向章也每年出磺六七千馱官署收銀式千金上下而額解僅只壹  
百式拾兩遇閏加解銀拾兩其餘皆爲官署收納之款二年前設立公司仍照征納自  
本年四月公司改用三聯單州署收納之款遂亦停止清迤西道電知清藩司以公司  
概請三聯單年短厘稅萬餘金但關章無能更易擬仿箇舊大錫加課辦法每百斤除  
原抽課銀外於賣磺時加抽課銀壹兩責成趙州征解作抵內地厘稅札行到州前任  
韓牧於閏六月二十九日征獲公司加課銀壹百肆拾陸兩陸錢肆分批解在案知州  
七月到任未據該公司發運石磺八月內據報發運石磺二百一十五馱正結算飭繳  
加課間適值國事反正未據該公司照繳到州自是九月內復據報發運磺二百五十  
六馱亦未據照繳現在大局已定仍未據該公司遵繳到州此項加課是否飭令照舊  
征解抑應如何飭令完納厘稅之處正擬稟請鈞示適奉前因合肅稟陳又清宣統二

年二月前州莊牧任內據州紳稟懇以辦理新政待款孔殷請於石礦項下每駄抽銀伍錢以作經費奉清督部堂批准嗣因公司不肯承認後稟奉清勸業道議詳照大理府核議由公司每駄捐銀貳錢貳分由硨戶每駄捐銀捌分合足叁錢之數迄今亦未實行當此新政肇興州屬之九里行將改治款愈艱難應如何捐助以資辦理之處併祈衡核示遵除將札文詳稿另摺抄呈外所有奉飭查覆緣由理合具稟查核示遵等情據此查此項石礦每年運出六七千駄前由趙州征稅銀貳千上下而額解者僅百二十金是此貳千金均歸中飽現在大理中學堂亟待推廣擬即提此項中飽之資化作學堂之費飭該公司照納飭下關商會釐局會同征收除額解外餘分上下期解繳中學堂開支造報至該公司前領三聯單本爲關章所許當時耿前道議加抽課銀作抵內地釐稅亦屬不得已之辦法惟該公司前次在榆呈明情形已由巡按師長會同核批飭令將領單所購之礦運完仍照納內地釐稅該公司業已認可並錄批具文呈報在案此後該司續運照納釐稅之礦自當免抽加課以示體恤惟前領三聯單所購之礦

應仍飭將應繳加課銀補繳商會釐局會同核收解繳中學堂併作經費至前大理府核議每馱石礦由公司硿戶攤捐銀叁錢充作趙州地方行政經費應予豁免且以前並未實行應責成應另行籌措六百元捐款之說查亦係由領三聯單而起此後該公同既不領三聯單仍照完內地釐稅此項捐款似毋庸置議除先行電稟蒙准并分飭遵照外理合具文呈明請祈鈞府俯賜查核飭部備案實爲公便爲此具呈須至呈者  
右呈雲南軍都督府

爲咨會命令事案據騰衝商民王名聲王名高等呈稱竊維厚生利用云云伏乞立案并懇轉飭實業司立案給照等情據此查該商等購運機器創辦通繩工廠係爲振興實業自應照准除批示外相應備文咨會貴部查照希卽轉飭實業司查核再案發給林照以昭住守須至咨會者計抄送簡章一本右咨軍政部合行命令爲此仰該府遵照備案可也右令騰衝府知府

騰越黃太守暨自治公所鑒省城原辦工鑛學堂茲改爲工業學校添招學生請於騰

衝高等小學生中擇其家資殷實程度較優者選送八名或十名均令自費剋日由府備文申送到省入校肄業至盼根源敬印

令工業爲致富之府前經令飭選送學生學徒赴省肄業尙未據覆茲查省城原辦工礦學堂現改爲工業學校除舊班學生升入本科及編爲豫科外尙應添招學生分科肄習永昌丁此浩劫若不及時趕興工業勢必每况愈下合再令仰該府會同自治公所即便按照郡城六區除送製革勸工學徒而外其第一二區每區於高等小學生各選送學生三名其餘各區每區選送高等小學生二名湏擇其家資殷實者俾可自備學費其未畢業者亦可限文到一星期內查照試驗科目考選成績優者如數由府申送到省入校肄業切切勿延此令永昌府知府永昌自治公所

爲札飭遵辦事照得製造一端泰西各國皆注重講求而不遺餘力日本師之以商業抗歐洲輸出數驟贏皆製造成品未嘗以生貨供人而製造之品又仰給於人也况甫售出而甫購入者乎迤西一帶每年出口生牛羊皮其代價不下十餘萬金外人製熟



成品輸入我國其價不啻倍蓰自省城設製革廠後稍資抵制然反正以來師旅頓增需用之品倍於昔日騰永去省寫遠運費尤覺不貲欲就地設立工廠藉挽利權必先養成此項人才乃可以資創辦除分行外合就札飭爲此札仰該

分會  
府所

即便遵照會同

商務分會  
騰衝府  
自治公所

妥籌的欸一面剋日招考學徒以體格強健資質聰穎品性誠實粗識文字年

在十八歲以上二十三歲以下者爲合格考驗足額取具舖保送由本司令部咨送軍務部送入省城製革廠分科肄習儲爲異日開辦工廠之用其旅費一項除各生徒往省川資按名發給二十兩外每生在廠每月各津貼銀貳元年各津貼銀貳拾肆元至畢業之日爲止按年匯交省廠轉發如各該生到省後有畏難却退見異思遷以及在廠故犯規則希圖斥退者所有川資旅費卽勒令該家屬保人加倍賠繳至各生徒畢業後應卽回騰爲地方服務其義務年限以五年爲限如畢業以後不回騰服務及義務期內擅自他就卽照歷年所得川資旅費各數目加十倍賠繳以嚴限制事關實業前途務宜悉心籌辦毋稍宕延仍將辦理情形具覆爲要切特札右札騰衝府知府

黃守騰衝商務分會騰衝自治公所

省城實業司鑒據騰衝自治公所侵電稱灰電悉前送製革學生十九名工藝十名各照每月二元津貼已預匯省寶慶祥半年欸請復實業司飭該生按月一領等語特爲轉達請轉飭知照根源叩文

永郡人民素多游惰工藝之道漠然不講本師長前次蒞永當經飭永昌府會同自治公所商務分會妥籌的欸剋日招選體質強健性質聰穎粗識文字年在十八歲以上二十三歲以下學生二十名取具連保分別送入製革廠勸工局肄習每生發給往省川資銀陸兩及在廠局每月各給津貼銀貳元至畢業之日爲止按年由該府匯省轉發如該生等到省後有畏難却退見異思遷以及未畢業時故違規則希圖斥退者所有川資旅費即勒令該家屬保人加三倍賠繳至各生徒畢業後應即回永爲地方服務其義務年限以五年爲限如畢業以後不回永服務及義務期內擅自他就即照歷年所得川資旅費各數目加十倍賠繳前據該府遴選王學清等二十名造冊呈送前

來查王清學等十名堪以送入製革廠學習蘇良臣等十名堪以送入勸工局學習相應備文造冊咨請貴部查照俟王學清等到省希即送入製革廠肄習以資造就實爲公便此咨軍務部總長

省城實業司轉騰衝送省工藝局學生同覽業精於勤荒於嬉騰衝現正籌辦工藝局將來工藝之發達與否均惟諸生是賴騰中父老期望諸生者甚殷待遇諸生者尤厚旅費之外月加津貼諸生到省兩月有餘入局者僅二人餘則議改他業不知將來旋騰何面目以對父老電到望即剋日入局專心致志務期有成若有觀望及半途廢業者已電請實業司拿送模範監獄懲禁並在騰追問該生等父兄加十倍賠償旅費勿謂言之不預也根源養印

爲咨明  
札飭事竊維  
照得

工業爲富強基礎游民實盜匪厲階故欲語富強必自市無游民人有恒業始而養濟院盲啞院幼孩工廠之設又皆所以教養貧民俾無失業者也中國工業素未講求對於貧民尤漠不關心故弱者則轉於溝壑強者則流爲匪類長此不爲

之所其害曷可勝言騰越地處窮邊市井游民觸目皆是所用貨物無不仰給外來其  
陷斯弊尤深非提倡貧民習藝實難補救查有東南城角社稷壇及東門外白馬廟一  
二保衛靈官廟均可改葺擴充設立貧民習藝所一院舉凡無業游民無寒子弟概行  
收入延聘教員分科教授各項漢夷工業所內一應事宜歸警察局兼理以專責成惟  
是事屬建設籌款爲先除札騰衝府自治公所騰衝商務分會外合行札飭爲此札仰  
該公所即便遵照商承騰衝府妥籌的款釐訂辦法議覆核奪以憑剋日舉辦毋  
稍延宕切特札右札騰衝府知府黃守自治公所商務分會

爲命令事照得講求農學水利爲先奠定民居溝洫尤重况河道時復爲患尤應及時  
修理以期預防汎溢查永城東河東北兩方之利害繫焉年久失修擁塞日甚每年夏  
秋之交河水汎漲附近居民田畝俱被淹沒爲害甚烈亟應乘時修挖防範未然合行  
令知爲此令仰該府會同自治公所即便遵照傳飭沿河各村區官團甲按照舊規督

率派人分段修培察酌形勢改良閘法其沙應挑上岸以培堤坎并栽樹木護堤以維不做并限文到七日內一律開工毋令延緩致誤事機隨時由該公所派員監工不准草率仍將開工日期具報查考切切此令令永昌府由守永昌自治公所

令查奇洞銀江河壹帶田畝淹沒甚多非氾濫之難治實河堤之不修亟宜濬築以除民害惟該縣地方貧瘠籌款維艱非通力合作不爲功擬按田畝之多寡劃修築之區域富者輸財貧者出力分爲三等其田全被水冲壞者爲一等其僅被水害者次之其未被水害而尙得以此河水灌田者又次之每等每畝應出銀若干或出工若干著由該縣會同自治公所迅速妥擬籌辦先以淘沙濬河爲主及至冬季即著手於築堤並繼之以種樹俾河不爲災地無遺利是所切望令到仰該縣即便遵照趕爲籌擬切勿玩視此令永平縣永平縣自治公所

順甯張知府鑒文電悉該府籌辦實業素有經驗現提倡桑棉又經撥款補助希卽會紳妥籌倡辦務期普及以裕民生永昌匪亂業已敕平地方安堵不久即可返榆此復

巡按使總司令文印

批彌渡縣張令文運稟焦茂願罰銀五百元並由自治員紳擔保懇予贖罪並將  
此項罰款撥作公益文

據稟已悉該焦茂既據自治員紳力爲擔保並願罰銀五百元自可准予贖罪此項罰  
款應卽撥作該縣興辦棉業經費卽督同該處士紳妥議辦法實力倡辦期收實利  
而免虛糜是爲至要此繳

令永郡氣候調和土地膏沃講求綿業其利甚溥抵制外貨振興商業端賴於是且樹  
植易而收效速需款少而獲利多又經此次匪亂之後元氣大傷亟宜提倡實業以期  
補救於萬一查有騰衝官紳捐助之款已認有銀壹千元應俟款滙到卽行撥作振興  
綿業經費不得移爲別用並須視爲營業性質安定稽核之法以期事收實效款不虛  
糜到該守公所卽便遵照會同籌議辦理此令永昌府知府由雲龍永昌自治公所

令查騰衝大盈江自北練至疊水河又漂白河自洞覺村至觀音塘并銅車河一帶提

塢一望童然亟宜廣栽楊柳以資防護著由各商報効存款項下提撥叁百兩以爲栽植經費並由沿河村戶分段擔任保護若有摧折即惟該段村戶是問仰該府會同自治公所即便遵照剋日籌商派員迅速辦理勿延此令騰衝府黃謙及自治公所

令照得本師長於民國元年五月初六日電軍都督府文曰國力發展必資實業矧當建設之初百度待舉而度支告匱於上民力憔悴於下郡縣一言興作莫不竭蹶是憂苟非力培民生殆將自蹙國本然則振興實業尤今日之先務也騰衝素以商業著稱比年日見衰耗良由無實業以植其基徒逐什一之微而昧天然之利東作已怠小春坐荒未逢凶年時憂艱食且西北地宜蓄牧附郭地宜棉林礦產豐融付諸幽閔各土司地擅膏腴農業蠶桑不勞可獲而土司昏暴日以困窮利棄地中民流境外今將籌議邊計似莫如從實業入手以生聚教訓之事行改革經營之方利源闢則經費無憂人樂業則夷心可結事行而不驚功收而不覺欲策穩健無過於茲果其整理得宜範圍日廓則內增歲入外挽利權所裨尤巨永昌民風日趨游惰地力未盡商務愈墮饑

寒所驅流爲盜賊變亂之後元氣愈傷培養尤亟前蒙撥款賑濟卽飭注重工業具仰  
蓋慮閔深惟委之官紳則不專多設人員則糜費稍一不當利未覩而母已虧尤失鈞  
府振贍之意茲擬連合騰永組織一實業公司以地方之資財行營業之性質卽將前  
騰衝各商報効張提督文光繼撥存富滇銀行之預備經營邊費銀貳萬柒千伍百兩  
董友芳捐欸壹萬兩共叁萬柒千伍百兩永昌賑欸壹萬兩謝宇後捐欸叁千六百兩  
總計共銀伍萬壹千壹百兩作爲基本金不足再由騰募集商股若干補足之以興辦  
騰永兩府及騰屬各土司地方各項實業爲範圍不限區域不限職業而以獲利多收  
效廣爲主旨內地實業由公司專辦其在土司地方而爲邊事計畫所關者商承主管  
官廳辦理公司中設總理一員外由兩府自治公所商務分會職員公推數人列爲名  
譽職通力合作以免扞格內地責成地方官維持土司地方責成各駐防軍隊彈壓委  
員維持其下應用員役及分立各局廠所職員均由公司酌設伍贏之內不問贏絀伍  
年以後始課成效所得利息以六成歸地方以四成歸公司一切開辦經費常年開支



員役薪水均由公司擔任無論贏虧皆歸公司本金如有虧損分文卽責總理賠償不求近功不加撓奪假以歲月而責其成效夫然後大利可舉惟茲事體大創辦尤貴得人蒙化直隸廳林永志恂於實業富有經驗兼習迤西情形而任事謹慎條理縝密家資亦稱殷實以任總理最爲適宜特電令來漾濞面與籌商該丞亦力以自任惟公司既爲地方之資本總理宜得地方之信任如蒙核准設立即由騰永自治公所與該丞訂立合同以昭信用但在合同期內該總理不得自行辭退及任意變更致公司受其妨碍其詳細章程進行辦法俟奉准後由該丞會商該兩府自治公所商會妥爲籌議擬訂並將關係邊計之一部分另行特別規定所遺蒙化廳缺查有趙州朱牧廷銓明練矜慎政聲素著現彌渡漾濞均議改縣該牧熟習情形擬請調署蒙化期於建設一切可資裨助遞遺趙州缺查有師司令部委員杜樹才識敏練任事勤奮該員前署大姚因被周紹禮等誣控調至本部察看供差以來隨時考查於地方行政裁判案件尤多體驗委署斯缺必能日起有功是否有當伏乞衡核示遵等情奉覆電開蒙化廳林

丞志恂着卽調充騰永實業公司總理所遺蒙化廳缺以趙州知州朱廷銓調署遞遺趙州缺以杜澍委署等因奉此除分別令知外爲此令仰該員卽便遵照趕將任內交代事宜辦理完竣卽行前往騰永會商兩府自治公所商會按照前電所指辦法妥訂合同詳籌辦法並將各項章程規則分別釐訂呈候核奪其餘關於地方文武官廳事件亦卽會同商辦惟連合騰永而組織一公司資本不合則無以厚其力利息不分則無以劑其平且騰屬土司地方不僅營業之區尤爲邊計所繫性質亦復不同其辦法中應如何分別區劃妥爲支配並應會同悉心釐定以歸至當切切此令蒙化廳林志恂

一件據雲南縣路承熙稟收獲鈹路股欸作地方興辦實業由

批稟悉該縣前任收存鈹路股欸銀四千壹百壹拾兩零四錢八分七厘旋奉軍府命令此項股捐未收者一律停收已收者着爲地方辦團之用該縣團費旣已由餘穀變價開支自應將此欸撥交自治公所作爲該縣興辦實業基本金并出示曉諭一體週

知毋得虛糜虧損是爲至要違卽查究切切摺由批雲南縣知縣路承熙

騰衝黃太守永昌由太守暨兩府自治公所商務分會鑒茲據鶴慶丁碩甫電認捐助永騰銀貳萬伍千兩應卽一併撥歸騰永實業公司作爲辦理實業經費以壹萬伍千兩歸永昌以壹萬兩歸騰衝將來所獲子金亦照此次區定數目均分現在已交師部肆千元限至本年七月底交壹萬兩餘至年底交清所交之欸卽由師部陸續匯交該公司查收至丁碩甫情殷報効已由藩源覆電致謝並聞藩根源灰印

騰衝黃太守永昌由太守暨兩府自治公所商務分會鑒騰永實業公司經源電調林丞志恂充當總理一切進行辦法曾飭會同騰永官紳妥爲籌議在案茲據該總理而稱實業政策以謀公共之益爲主惟求普及於民間營業性質以獲利息之多爲主必期無損於基本一則利在地方而收效遠一則利在公司而收效速以騰永之地方而論宜行普及政策始足以興無窮之利以公司之款項而論宜守營業性質方不致有折閱之虞欲謀兩全之策必籌相輔之道擬請於公司內附設一騰永實業共進會專

以謀普及地方實業爲宗旨即由騰永兩處丁姓捐款內各提銀伍千共壹萬兩作爲開辦經費騰永實業公司專以營業爲主每年所獲子金以六成提作共進會常年擴張經費以四成作爲公司常年經費公司若招有商股所得利息不在此限五年之後成效已著共進會即行裁撤開辦費壹萬金仍原數歸還公司不收利息亦不能任其短少會中事務卽由公司總理兼辦以便經理惟會中一切出入欸項另行錄列不與公司出入混合將來方便稽核其詳細章程俟總理到後再爲會同騰永官紳妥爲籌定是否乞核示等語查該總理所陳各節均屬妥協應准照辦除令知外特爲轉達至該公司之欸皆係騰永地方之欸將來所獲之盈餘仍係騰永地方之盈餘林總理亦係騰永地方公舉並非委任以後如何籌辦如何進行獲利若干均係公司負完全責任不與官處牽涉統希查照辦理根源叩灰印

財政

雲南軍都督府鈞鑒劃一幣制爲財政要點滇中三迤地方或灌入印度法洋或喜用

生銀整錠秤之大小不同色之高下殊異既不便民又不便國擬請通飭各屬凡有紙幣銀元均作爲七錢二分上下一律通行不許低昂平頭銀色官商不收紳民不用俱以峻法繩之銅幣或作十文二十文亦照此辦理庶於體制有裨乞衡核通飭遵行根源叩皓印

軍都督府鈞鑒前具皓電請以龍元一元定爲七錢二分以劃一幣制便於流通未奉復示伏查騰永各屬輸入外幣甚多亟宜力圖挽救速賜覆遵辦師長根源叩豔印

省城軍都督府鈞鑒前具皓電請予劃一幣制後於臚陳各屬地方事宜電內具陳斯害諒蒙鑒核現發各軍薪餉銀圓一元以七錢二分散放而市面通行僅作七錢及六錢七八使用軍士購物坐受虧耗勢必不能相安懇速飭訂幣制嚴切通飭遵行庶免輕重相畸軍民交病仍候示覆師長根源叩

李師長鑒儉電敬悉龍元定爲七錢二分一元爲劃一幣制善法而官收糧稅則以一元五角作庫平一兩但滇省流入外幣甚多騰永開化各處尤甚既有外幣制入則形

式重量均難齊一交換價值卽多參差亟應妥籌良法頒定全省劃一幣制使外交內治兩無所妨刻正籌畫一俟規定妥善立卽先佈施行仍希隨時賜示爲盼軍政部支印

李師長鑒統一幣制各電均悉當將原電飭司核議現據復稱各屬平碼大小不同銀色高低各異如必以每元作七錢二分強各屬一律通用其平小色低者固甚樂從恐平大色高者斷難強就滯碍者一各屬銀行分號尙未遍設強以概用銀元其無銀元之處仍不能劃一滯碍者二各處解欸早定一元五角作庫平足銀一兩若照七錢二分通用則收銀一兩必減收八分統計每年收入約減二十萬兩左右滯碍者三現擬一面由司速設各府分銀行使用銀紙二幣以資周轉一面將錢糧厘稅化兩爲元不存兩錢分厘名目俟議定辦法再行通佈等情本部覆查屬實應請暫從緩議此覆軍政部馬印

省城軍政部鑒馬電悉統一幣制已由貴部飭司核議辦法通佈甚善惟司覆滯碍三

條鄙意平碼有大小銀色有高低爲中國財政極大之弊故非飭通用銀元通作爲公估庫市平七錢二分則上下出入盤剝虧折俱所不免如私家借貸商賈交易或前之出者平小色低入時可照公估庫市平升補或前之入者平大色高出時亦可照公估庫市平暫時聽其變通以後卽不容歧異則第一條滯碍可去銀行分號固未遍設然名城巨鎮銀元亦無不灌輸祇須概飭通用違者加以懲罰想無不行鄉村小市或無銀元則暫飭以庫市平爲標準以公估爲本位有用絲銀寶銀者仍照升補俟銀元足敷挹注則廢平碼禁生銀以歸一律則第二條滯碍可去各屬解款早定一元五角作庫平庫色銀一兩暫時仍不妨照收惟一元五角明係一兩八分而曰作爲一兩以與通用銀元七錢二分之法不合不如明定爲正征銀一兩帶征銀八分統以銀元上納報解在民間祇仍舊貫在公家仍得餘款則第三條滯碍可去總之民可與圖成不可與慮始若在上多所瞻顧則在下必更依違迤西各屬行使銀元少或作六錢七八多亦不過七錢壟斷把持不可究詰行旅固多不便軍隊尤受虧損此中困難迭經電陳

各營放餉該官長等賠墊尤鉅此次赴騰騰平每兩大省平三分每元僅能作六錢餘行使軍隊固不能任受公家亦難彌縫祈先行宣布每銀一元均作爲公估庫市平銀七錢二分不准減折錢價高低各處不同聽其自便換之者自有計算並不受虧用之者不減平頭便無失望茲事體大驟難齊一治標之法似當先籌佇候回示毋任盼禱  
根源叩養印

爲剗切曉諭事照得滇省幣制極不統一從前行使生銀平碼有大小之殊銀色有高  
低之別紛歧揉雜百弊叢生近年雖通用銀圓然邊遠地方多有作爲七錢者少有作  
爲六錢七八者黠者借以把持愚者受其剗削害閭閻而病商旅莫此爲甚本師長有  
鑒於此出巡以來詳細調查非飭全省通用銀元概作爲公估銀庫市平七錢二分則  
出入盤剗虧折之弊將無底止幣制前途尤不可問故迭次電陳軍都督府請飭部核  
議辦法通佈實行去後茲准軍政部覆電內開養電所論極確佩甚集各司會議僉表  
同意均依決行通飭各屬遵照每銀一元均作公估庫市平銀七錢二分不准折扣亦



不准拒絕惟錢糧釐稅向收一元五角折銀一兩者係以八分升補平色應仍照舊征收擬即以八分直名爲升補平色不用帶征二字以免紳民悞會庶名實相符已照呈軍都督府奉准除電飭各屬遵辦並另咨會外特覆軍政部宥印等因准此合亟出示曉諭爲此諭仰各屬官吏紳商軍民漢夷人等一體知悉自奉示之日起均須遵照此次通案辦理凡行使銀元概作爲七錢二分不准減折如違准即稟報地方官懲罰不貸至鄉僻小市或無銀元之處則暫以庫市平公估銀七錢二分抵用銀幣一圓有用絲銀寶銀者仍照色升補一俟銀圓足敷挹注則平碼生銀一概禁用以歸一律切切毋違特示出示通飭迤西各屬

大理秦太守覽儉電稱榆城紙幣不甚流通實於幣制前途大有障礙該守擬飭分銀行於榆城商店酌設兌換處係爲便於換易起見照准試辦惟希重申示諭凡征收糧稅釐金在五元以上者儘收紙幣銀元概不收納若五元以下者卽照該守半銀半票之法辦理並希轉移蒙化麗江兩處暨通飭所屬一體遵照辦理勿得玩視爲要總司

令部勘印

省城軍政部鑒騰越富滇分銀行前准財政司電託源遴員開辦以利轉輸茲查有番迎恩才長綜覈樸誠廉潔爲李次長所素知堪以委充分行經理請卽飭司電委以昭慎重現飭籌畫一切俟就緒續陳根源叩青印

省城軍政部鑒頃據騰衝府富滇分銀行經理番迎恩稟稱銀行事務責任重大擬請委任騰衝府爲名譽總理不支薪金凡遇追繳外欠清理賬目較爲便捷且有人監督收放欸項尤免困難等情查該經理所稟各節尙屬可行除委任外特此電聞請乞飭司備案師長根源叩巧印

省城軍政部鑒艷電悉永昌爲騰榆出入孔道商務雖較騰稍遜而較榆則盛迤四巨商於此皆有分號若設分銀行以資流通裨益非淺源前月蒞永即與永紳會議籌設擬以議長趙端爲經理俾負完全責任旋以該紳力辭面懇作罷議遂中止財司所擬各節源極贊成但擬設易而維持則難至於用人尤宜審慎於先方不貽誤於後財政

一端可倚信者益難其選趙端殷富人亦誠篤尙堪委任惟前經力辭恐不願任餘則騰鶴商帮中尙有可用者貴部如照司議實行省中若無妥員請電示知再爲遴員請委根源叩卅印

永昌由太守覽昨經本總司令電商軍政部飭司撥款於永昌添設富滇分銀行以資流通頃准部電開已飭司籌撥銀拾萬兩作基本金發交該總行即日解永經理員請由騰鶴商帮中遴員委任等語查永紳惟趙議長端殷實誠信堪以委充前雖力辭尙望竭力勸導勉爲擔任如再堅辭即由騰鶴商帮中查有堪勝此任者遴選三四員具電前來以便電部酌擇一人委任總司令魚印

麗江姚太守孫統領暨自治公所鑒現騰永榆俱經設立富滇分銀行麗江地居邊要擬照騰永榆例設一富滇分銀行將來於殖邊各事尤資裨益該分行經理希由麗郡自治公所推舉殷實富紳一二人限明日電榆以便達省酌定在源意以和庚吉牛成漢兩君爲最宜如何急覆便在未解職以前爲之辦畢也根源叩佳印

省城軍政部鑒案准貴部咨開據鐵路局呈覆騰越鐵道銀行情形暨委許佩明瑞元辦理分局事務一案源前養電請移作經營邊費放存富滇銀行欸項係各商報効撥還式萬柒千伍百捌拾叁兩玖錢壹分之欸與駐騰滙兌處所餘存放銀行式萬柒千陸百伍拾叁兩陸錢玖分之欸兩不相涉滙兌處餘存銀行欸項即由該經理等管理仰由省局直接經理均可許佩堪委分局正經理明瑞元堪委分局副經理已分別轉飭遵照任狀乞補發根源叩文

咨據太和縣議事會正議長范宗瑩副議長趙景溫參事會參事員楊上培楊文佐周斐張錫銘經費局委員趙攀雲勸學員長王應元勸學員張宗良安懷仁實業員張炳南商會正董沈鑫副董周澤城董事會正董杜坤副董王汝楫上鄉正董段凌雲副董楊啟賢楊懋德中鄉正董楊洲副董趙中和杜華下鄉正董王偉副董蘇紋等稟稱太和糧額之重甲於全滇兵燹以前附糧散在外府廳州縣者十之三四泊承平後文卷蕩然所謂附糧僅於趙州賓川究獲少數餘皆無着爾時官府乃議以全數糧額科之

一縣狹小之地田分三則糧分三等上則田壹畝科糧六升四合中則田壹畝科糧五升四合下則田壹畝科糧四升四合以故太和下則田之糧較他屬之上則而更重原額每米折壹石征收市銀壹兩每兩加庫平壹分伍厘欸費銀九分七厘伍毫解費式分傾銷貳分平餘壹錢捌分陸厘伍毫共加合市平銀叁錢叁分九厘每完納條公壹兩加庫平壹分伍厘添針費叁分九厘解費式分傾銷式分平餘壹錢式分捌厘共合市平貳錢式分式厘故民間完納每石連條糧共合市平銀式兩捌錢零伍厘肆毫近十年來復被貪官汚吏巧立名目弊竇叢生每條壹兩加重至壹兩叁錢較前多加收銀七分捌厘每米折壹石已加至壹兩叁錢叁分九厘矣嗣因每石隨征夫馬錢叁百文團費錢叁百文鐵路錢貳百積穀錢式百小票錢壹百共錢壹千壹百文定章係收錢乃前五六年銀價奇短每兩祇作錢壹千壹百有零故有以銀納此項隨征者按照市價以銀壹兩算給自此以後縣署卽援以爲據後鐵路積穀已免祇隨征錢七百元耳乃竟作銀七錢六分壹厘同糧混收是於隨征三項中又多收銀四錢之譜紳管等

竊思按田科糧既如此之重而按糧歛財又如此之苛太和人民受糧重之累呼天莫訴矣今者地方光復餉需浩繁錢糧照舊征收固非等舊時官吏剝民以自肥也况錢糧乃國家正供亦人民應盡之義務太和雖受重征之累目前不敢妄邀減免惟是隨征之夫馬團費並條糧小票每石糧僅納合錢七百文耳乃前縣張胡兩公婪索銀七錢陸分壹厘以市價核計幾至加倍浮收伏查近年以來新政迭興公產公款不足供給民間負擔日漸加增直接者美其名曰爲謀公益使其各拔收效將來之奢望若間接負擔普及細民日形憔悴而猶不喻病累之所由來然此尙得謂各省州縣奉行一律不能任太和一邑獨異至於隨征浮收一項實爲鄰封所無一再陳訴於滿清官吏弗恤也而反加申斥實行壓制如此已達極點茲幸共和政府成立天下大同一致在位者皆救時英傑必不忍令蕞爾瘠區向隅而常罹陷罔理合仰懇仁恩軫念民瘼剔除積弊俯准查照向章每石隨征夫馬團費小票共收足錢七百文批示飭遵以免畸輕畸重則蒼洱間數萬生靈銘感不朽矣等情據此查夫馬團費兩項向章收錢易銀

報解三逆各屬莫不皆然惟太和前以銀價低賤以銀壹兩換錢千文歷任遂合成銀數隨糧征收至前縣胡令稟報陋規即以此項混作正款竟入於司中預算案而征錢之款變爲征銀遂久假不歸矣現在核計銀價較前幾至倍收而民間納銀如故以視各廳州縣之納錢者實爲懸殊該紳等之曉曉瀆懇誠非無病之呻吟若任其永遠收銀似與全滇定章不符終不能關若輩之口上年之羣情激切屢電求減蓋有由也且查該縣各堂局所凡公處應納此項者向來皆係交錢惟各花戶絀於勢力相率交銀是亦不平等之一端尤非整齊畫一之法茲爲通盤合計如照章收錢易銀報解歲入所少不過千餘金爲數尙屬無多似不能不俯順輿情俾與各屬依舊收錢以歸一律相應據情咨請貴部飭令財政司核議照准自中華民國元年九月上忙開征起所有太和縣隨征夫馬團費小票錢文以後永遠收錢易銀照章辦理飭該縣官紳等遵照泐石立案以除稗政而恤民艱是否有當仍候察核施行此咨軍政部

省城軍政部鑒府廳州縣現旣明定公費凡府收之百貨稅廳州縣所收之牲稅均當

結滴歸公惟厘係由省給票而稅則由各府自行給票是厘之難於稽核者祇在零星而稅則幾至於無可稽核官之廉者以稅包之司事以所得之數儘解入官其中飽尙只在司事一層而浮征苛歛之弊商民已身實受之或遇貪吏則與司事通同舞弊就其所解之數亦從而侵蝕上無所考下無所訴虧公帑而害市廛達於極點如永昌府稅每年包款至一萬餘兩而解款不過三千餘大理府稅每年包款至九千餘而解款不過三千餘以此類推即稅之中飽於官者每年必至二十萬左右而厘員之侵蝕落地過境各零星不與焉倘大加整飭凡收貨稅牲稅者整數均給予三聯大票零數均給予三聯小票有厘局者或併歸厘員兼收無厘局者或仍歸印官兼辦或公舉紳商等辦歸印委者不另報開支薪水歸紳商則明定開支薪水而又派公正紳商以監督之分局分卡書巡舞弊苛收准向承辦之官商舉發官商舞弊苛收准向巡按使道台財政司舉發目視手指法隨其後廉者固知自愛卽貪者亦可勉廉如此辦理似於國家稅項前途不無裨益惟三迤地方利弊不同非悉心參考情形切實厘定規則亦難



收劃一整齊之效務望統籌熟計集議辦法呈請軍府核定剋日頒行至禱仍盼示復  
帥長根源謹叩真印

省城財政司鑒查大理府稅向年額解叁仟伍百貳拾金自定公費後儘征儘解現署  
府秦守經收冬臘正二三陰歷伍箇月除開支外實應解銀三千二百餘金若以全年  
比較當可照額加倍報解惟秦守人雖精明不免谿刻地方商民於所用司事尤嘖有  
煩言自不能不改良辦理而秦守復見本年月街商務大減曾商由自治局紳派人監  
收源到檢後迭次陳請將府稅交出由紳商包辦在秦守以爲恤商裕課未能兩全故  
欲付之紳商以期息爭弭謗源體察情勢并以騰永府稅均係由紳經收大理事同一  
律因卽准如所請當傳集太和自治員紳宣布飭議茲據該縣紳等公舉現充下關厘  
員嚴鎮圭兼辦每年除開支外認實解庫平色銀陸千陸百金按月解伍百伍拾兩無  
論平枯旺以一年爲率攤收攤解其開支各欸悉照秦守所報之數如係厘稅併管之  
卡不再開支卽扣出以辦地方公益每月仍交由自治公所核收造報如此則商情可

期浹洽稅課亦有贏餘而地方更大沾利益由該紳等議定請示前來源以事關財政未敢遽允特此奉函乞迅賜核覆以便轉飭遵照根源叩豔印

省城軍政部財政司鑒前委永昌釐員楊毓銑於奉委後即來永城該員詳細調查見市面艱條商賈裹足厘務大爲減色因此未敢接辦源到永後面陳各節當即詳查亦屬實情即諭飭該員於陽歷二月朔日接辦所有該釐局解額准其暫行隨收隨解一俟商賈照常再行規復舊額查該員人尙誠實操守可信不能不暫允所請以免困難特此奉聞藩根源叩感印

令案據蒙化廳紳士趙時敏等稟稱查釐金之設原爲籌餉之舉蒙城自設局抽收以來釐員清潔自好者嚴束書巡尙無擾累而性近於利者即縱容書巡任意苛索種種刁難以致商賈裹足課額亦因之大減公私均受其損現值民國新造首重改革凡有便民之政在上者無不樂於奉行擬請將蒙化釐金准由自治公所公舉正紳呈請委任辦理以地方官監督所有抽收之款按照定章報解不敢稍涉虧短侵蝕分文是否

之處祈核示等情到部當以該處釐金既歸紳收亟應比較下關釐金辦法全數報解不得以舊額爲限電商財政司核辦嗣准琰電覆開蒙化釐務改委紳辦以地方官監督比照下關辦法不以舊額爲限自應遵照辦理請即飭舉定一面先令接辦並將姓名電示以便給委等由業經飭知在案茲據蒙化自治公所呈稱遵即集合員紳會商協議公舉查有廳屬臨時省議會議員趙叔良品行純正素具熱忱爲全體所共信堪以辦理蒙化釐金等情前來除電請財政司給委並令蒙化廳遵照監督抽收暨蒙化厘金張委員遵照外合亟令飭爲此仰該員遵照即便先行接辦蒙化厘金務須實收解實點滴歸公毋負委任仍將接辦日期通報查考切切此令委辦蒙化釐金委員張叔良

爲通行示諭事方今破壞之後建設之初凡我人民各有擔負之義務釐金之設本自軍興然昔日之養兵爲滿洲之所以厲民今日之養兵爲吾族之自爲捍衛現在軍事方殷餉源竭蹶吾人念義務之所在自宜踴躍以輸將而軍府鑒於民力艱難不忍重

加擔負舉凡釐稅等項悉照舊章征收凡我商人第以昔之供於虞廷者今取而輸於社會軍府亦以取於閭閻者用之閭閻復予安定規條嚴行考核征收委於官吏監察歸於士紳舉從前加征私飽之積弊廓而清之則商人之對於公家尤不宜上下相蒙再蹈弊習茲特明白示諭自經此次出示之後一切商販人等須知釐欸一項實爲餉所自出一切貨物務宜按照定章上納不得再有繞越偷漏朦報各情弊如果違章故犯一經查出定即嚴行處罰將貨物全數充公倘有梟悍之徒玩視法令敢於聚衆估抗即以軍法從事以儆兇頑至各局員司如於定章之外擅自加征爲商民病者准其赴轅控告查實按法重究決不姑寬除通飭外爲此示仰商民人等一體知悉法令所在各宜凜遵切切毋違特示

省城軍政部羅總長鑒土捐辦法先議紳收地稅釐員抽釐繼又議設公司發給護照派人收買迨今章程釐票均未見發分公司無一設立迨西新陳各土散漫充斥四處銷行厘員無所憑依而地稅之能否照收尤無從查考財司曾有不准民間弘相買賣

之文然既無專員收買復無章程通行又安禁存烟種烟販烟者之不公相交易前議重征爲禁原欲乘機掃盡毒氛而軍帑亦稍資協助茲則利無所獲害已顯然外販私商羣欲捆載由打箭鑪及各猛地運銷出口釐員司巡之罔利者難保不藉口無票任意放私今年應得之數十萬釐稅頓消滅於因循坐廢之中實覺可惜源於此事屢次陳詞實爲通省財政計不識當事者是誠何心將一切地稅厘捐公司專買辦法淹滯數月不亟辦理是豈無利可言耶抑亦真欲弛禁耶實源所大惑不解者也現在販者困者彌滿關市若再不設法補救後此從何著手其順景一帶之烟市更早者又將何以挽回祈即嚴飭財司迅速妥籌見覆根源叩銑印

### 鹽政

一件批白鹽井督銷總辦楊大材摺呈調查情形文

稟及清摺均悉所呈調查各節均極詳明從前鹽務困難額虧課墮已達極點今者分委煎銷各專責成總以興利除弊暢銷裕課爲第一要義至於靈楊黃三任現在存鹽

竟至壹千二百餘萬究應如何籌銷亦當早爲規畫仰即遵照仍候軍都督府暨軍政部批示繳清摺存

附原摺謹將總辦馳往白喬喇麗雲龍等井調查鹽務煎銷征支及井地情形開摺  
縷呈憲鑒

計開

一查白井地隸姚州居其北界產井五區曰觀音井舊井喬井界井尾井滷額捌百叁拾陸担每滷壹斤五井平均計算得鹽壹兩伍錢煎成團鹽交倉發售惟灶戶有乾灶煎灶兩項乾灶約叁百式叁拾戶如將此項滷水併入煎灶按額煎煮煎灶約五十有餘以其自有鹽房資本輪煮交官乾灶即向煎灶買鹽完額其鹽煎成團箇俗名人頭鹽行銷大姚姚州雲南縣賓川永北鎮南至楚雄西門外而止每加二八稱鹽百斤售庫平庫色銀肆兩陸錢五分年認額鹽伍百零玖萬陸千七百零陸斤課團釐路各項照征又另銷兵費倉夫工食零鹽拾柒萬叁千斤止收課厘留充工食團費充作警餉

路費解省練費添支學堂經費今則鎮南及楚雄西門爲黑琅元永等井充銷琅鹽雖准搭銷鎮南但井小額輕從前年銷不過壹貳拾萬今琅井又已歸併黑井遂一併遍充鎮南每年數在壹貳百萬反客爲主售逾十倍而白井路遠價大運鹽至彼轉不行銷蓋白鹽實加二八從無稍多遠黑琅之秤大又不敵黑琅之價廉現在居民實食艱窘孰肯舍賤食貴所以黑琅井鹽愈銷愈寬大姚東界之龍街姚州東界之前場關均被越充白井大受其害是以昨經稟請禁止黑鹽以杜充斥鎮南兩姚引岸近來銷滯額虧琅鹽原有搭銷之名請將呂合至鎮南六十里一段劃與琅銷仍照例禁止黑鹽俾免越界充銷庶幾各顧引岸且白井實處西南諸井中心點邇來價大鹽壅各謀顧額鄰井環充銷地日擠日窄年終比較常短額鹽百萬上下均係挪新掩舊每遇提舉交卸將任內所短按額運足官商同價到處堆積所以銷情不暢鹽務困難幸有川邊會理與白井爲鄰藉以行銷尙資補苴總辦到白後查悉情形竭力設法招商運銷然白井商情薄弱運銷難期多數只得陸續調爲總望多數發往會理姜州等處方能有

濟現因鎮南呂合姚州大姚一帶銷岸自光復後概被黑鹽琅鹽霸估充銷鹽務愈難措手是此日滯銷之由固不僅在民食減少煙禁銀荒也

一喬後井距白井九站前安豐井大使移駐該井隸於劍川有礦硎五日天財地寶長發聯珠富國礦滷均產礦滷平均每斤得銀四五兩設灶八十分爲八挑由官招募砂丁入硎採礦按卯輪挑攤發灶戶其煎鹽之法以滷泡礦熬成鹽砂築成鹽筒準合二八稱鹽十斤十筒卽符百斤售時卽不過秤止須隨時抽查煎出之鹽由官點驗寄存灶家臨售時飭灶按卯交官輪流發賣每卯四千斤按銷情之暢滯定交卯之多寡井價庫平庫色銀肆兩伍錢陸分每年認銷額鹽伍百伍拾叁萬柒千柒百斤其鹽行銷永昌永平騰越龍陵趙州太和鄧川浪穹現在靈楊黃三提舉之鹽攬存右所下關等處其數不少濫價賒賣到處爭銷鹽商利其賤不肯到井購鹽暗向前提舉買鹽存銷妨額匪細所償額鹽壅滯各岸一任腐耗積不能銷刻下只好招至妥商領鹽墊謀行銷各岸止得暫顧報征當此鹽壅已甚待理孔殷其應整頓各情應另稟請示遵辦理



此喬後井之大概情形也

一喇鳴井地處麗江距府六站距白井十四站麗江井大使駐此有礦硎三礦洎均產質味濃厚故向來不患出鹽不多特患銷路不廣有灶戶八十採礦辦法與喬後同惟向煎鍋鹽爲差別耳鍋鹽有白鹽水鹽之分水鹽必加工煎瀝倍費薪工大白鹽售庫平庫色銀肆兩貳錢柒分水鹽可多售貳錢以資薪工年認額鹽壹百玖拾柒萬陸千零伍拾肆斤行銷麗江鶴慶劍川中甸維西近自鹽價加大中甸全食砂鹽維西充斥將遍麗江亦復充銷只憑行銷鶴慶劍川兩屬地面何能顧及全額案經前任文靈兩提舉稟請加收砂鹽稅課以期平價保額而免肆行充銷使向之販砂鹽者改販喇鹽收有常餘撥補喇額亦是以征爲禁之一法嗣奉詳准札委專員加收稅課共銀壹兩但稅課雖加較喇鹽仍減貳兩有零若不劃清界限難保不復充銷總辦到喇審度情形通盤籌計擬以中甸廳屬遂以橋頭爲界仍銷砂鹽惟洎加重稅欸寓禁於征維西廳屬卽以葉枝奔子攔江爲界概洎壓銷鹽已由總辦札委該井督煎修委員持文前

往會商維西廳蔣丞收回銷岸必使砂鹽認定中甸行銷不准逾越過界井鹽銷出界外者任聽流行砂鹽銷入界內者即以私論此乃定章飭辦不得不力爲之整頓蓋喇井岸窄額虧遞年攤價額鹽積累過鉅迄不能銷各岸鹽壅所以井地仍滯也又麗江井內分上老下溫四井各距由五六里至二十餘里不等距喇井一站距麗江五站惟井小而散鹽成小筒每筒約五六斤之譜形式與喬鹽略同但滷淡課微灶貧井小清同治間喇井開闢後曾經封禁因係報部老井且該處民灶以鹽務謀生者衆令其失業殊堪憐憫清光緒初稟請復開由灶戶包認課欵交喇附解因積欠纍纍復照舊官辦嗣又包與商均無成效現經總辦札委尹希孔爲該麗老外四井督銷委員令其竭力試辦認真緝私俟有端倪或裁或併再行稟報但該四井滷味較淡原免厘金經費止征團課路練四項又高軒井地近維西井小而遠距喇四站從前不過該處土民取煎謀食歲認解課不過百兩清光緒初亦曾封禁因處荒僻稽查不易土民既已失業難禁私開封猶不封遂請復開飭任報解現止應解團鈔練費共銀肆百陸拾叁兩零

捌分餘銀三百兩歷任充作喇井辦事局司年節致送曾經總辦列入報告在案惟是麗江高軒井鹽白以維西爲銷路總辦到喇後據各灶呈稱該井販至維西竟爲維西稅局遏制必令照砂鹽繳納稅課乃准行銷實有謀阻銷路之意等情總辦即行文移知其鹽向銷維西似此辦理則麗江高軒之鹽必至行銷無路轉向麗江內所售賣更於喇額有所妨窒也

一雲龍井隸雲龍州開闢較早井老滷淡內分八井曰石門設總局於此曰天耳大使即駐於此曰山井合天耳設一鹽局曰諾鄧曰大井各設有鹽局相距或五六里至十餘里不等距白井十二站均產滷水每滷壹斤煎鹽壹兩二三以至七八錢不等所出滷水按灶戶多寡分攤成角又按出滷之厚薄較量煎味以定額鹽如石門有滷叁百零捌角每角月繳平秤鹽貳百壹拾斤每零伍秤百斤售庫平庫色銀叁兩捌錢捌分伍厘伍毫零伍秤發薪本銀壹兩壹錢玖分八厘四毫諾鄧有滷伍百零九角半每角月繳平鹽玖拾肆斤每百斤售庫平庫色銀叁兩捌錢式分伍厘伍毫零伍秤發薪本

銀壹兩壹錢陸分貳厘陸毫天耳有滷五百角每角月繳平鹽捌拾肆斤山井有滷陸拾角每角月繳平鹽玖拾斤大井有滷叁百角每角月繳平鹽捌拾斤而每百斤天山大三井零五秤鹽百斤均售銀叁兩陸錢柒分伍厘伍毫發薪本銀壹兩壹錢陸分叁厘按額交局發售然收售均按井地平秤每百斤合市秤壹百零五斤每至解課應另折合二八制秤以爲報征前雖奉飭遵改二八制秤惟以不便灶商迭經稟懇仍用舊秤外有順盪師井金泉三井相距各在一兩站之遙歷係灶煎灶賣包認課欵合團厘路練正雜各欵順盪月繳銀貳百叁拾玖兩叁錢叁分金泉井月繳銀陸拾壹兩玖錢叁分由課長收交總局彙合八井銷征年認額鹽壹百捌拾捌萬捌千叁百貳拾斤所征課欵按季批解其雲龍鹽樣統名爲灯台鹽然八井模範各別有稱錘形者有成小筒者有成花鼓形者由二三斤至七八斤不等向聽商人領運行銷本州地面及以喬后攙銷騰越保山永平三屬但雲龍山多田少該處居民皆以鹽爲事蓄之計惟井老滷沒生計艱難有水數角不足謀食向聽商灶居民領鹽自行運赴前往騰越各鄉練

行銷因該井向係先薪後鹽自去年九月反正後大使無銀發薪灶戶卽藉口相率走私九月至本年官鹽銷賣不動前提舉楊黃兩任共存鹽壹百萬有奇銷情大爲困難束手無策總辦到雲係目覩困難情形焦急萬狀乃傳各井灶戶立法相約首禁灶戶走私勒令改良鹽質排解灶戶之紛爭較準官局之平稱先清井鹽力剔井弊一面飭令督銷委員龍井僱脚數百頭源源駝運杉陽永昌并廣發招商示諭於永平保山騰越各地招徠妥商到井運銷從此疏通銷路或不致如前之壅塞然必陸續整頓竭力調爲數月期年之後方可望有轉機只有順師金包課之三井就地籌銷蓋皆三井產滷有定出鹽無多前阻石諾喬后銷場後被喇麗井鹽侵充向係北灶奸商自煎自賣定課報征乃禁煙以後只有漕澗一路爲該各井之銷場然雲龍各井地面漫散如梳灶戶走私已成習慣正宜設法添兵緝禁統計雲龍八井月只銷鹽數千斤挪供各局火食尙且不敷薪費役食概無着落今者商運難招概係自發永騰墊脚需款孔殷總辦甫經到任諸務待理需用浩繁何來如此鉅欸以供邊鹽運脚故昨由喬后黃任督

挪龍元五千運往雲龍接濟此又官灶交困之實在情形也

一查舊案各井認額自節稱提價後正銷溢鹽除麗江井遞年按月報征外所有白喬喇麗雲各井合併運銷正溢鹽壹千貳百柒拾貳萬貳千肆百玖拾肆斤半各井互有盈絀向准挹彼注茲遞年比較免如額征前清光緒二十五年文提舉到任二十六年節提陋報浮支據實報解二十六年連閏已銷鹽壹千叁百伍拾肆萬伍千肆百斤遞接二十七年至三十年皆有長銷三十一年在路費起加以前合銷至壹千伍百玖拾肆萬然係商號預先償儲以收三十二年起收加路費之利定章遞年比較只准多銷不容差短文提舉明知次年必足額乃稟准將三十一年之長截補三十二年之短果致路費加後除將頭年截留長項添補外尙短鹽壹百萬有奇此虧短之起點也乃查照三十年曾銷過鹽壹千肆百肆拾玖萬捌千餘斤以作比較所有短鹽如數核明償運留待次年銷補自路費起加以後遞年愈形其短皆來償補數額挪新掩舊層疊而上迨練費又加仍係牽蘿補屋至於宣統三年比較合計已短數百餘萬及至楊任

交代復僱任內之虧遂使鹽準各岸約計數目足夠一年銷額粉飾督局皆是挖肉醫瘡之手段黃提舉到任至今將及一年查其冊報銷數約共捌百餘萬然白喬喇麗雲龍各井攢存鹽七百萬有奇加靈楊兩任存鹽合共將在壹千貳百萬之譜已足敷一年餘之銷售總辦因查前項存鹽不但引銷無術現尙不肯接收且恐耗去鹽斤課將誰賠設使孟浪接收即爲一身之累是以另案請示以便遵行此查明各井存鹽太多銷情困難之實情也

一查提舉大使所獲公費開支外在鹽務場時允稱脂膏自潤值此異常困難皆歸調辦之需現在新章改設督煎督銷兩機關以四井之大設人之多設法補救佐理需材故薪水不可不優斯長乃可就範楊提舉任內設局籌銷極力整頓用人已逾數倍所得公費收不敷支故積虧鉅萬半在薪工實不僅出於奢糜也黃提舉到任後撤局減費酌量用人因材計薪亦難多減茲將白喬喇麗雲各提舉大各使薪廉役不拘有案無案已提未提大小一切規費出入欸項據實查明容俟彙繕成冊另摺開呈

一各井鹽務本因時以爲轉移在從前不但缺稱優裕商利亦多總辦今到各處核其賣價計其盈餘百斤只得利銀四五分一切號費人工仰事俯畜皆在其內蓋時際今日銀荒民窮物產不豐銷情墮滯以下關論在未加練費以前百斤售銀五兩今已加練費亦只賣銀五兩今昔之得失既殊商號之歇業已衆虧折倒騙催欠爲難匿課逋逃官代受累辦理稍有把握或可少受其累苟或不慎虧課無着賠累已及之矣此又目前官商交困之實情也

以上數端謹就查明情形略舉大概一切應辦事宜容俟酌核另稟聽候憲台核示遵行

一件批白井督銷楊總辦稟請將鎮蒙兩屬南山南澗歸還白井照案行銷文稟悉查井鹽引銷各有引岸課欵攸關豈容紊亂非飭照舊辦理不足以杜侵越而免紛爭已令飭楚雄蒙化兩局一體緝禁越境鹽舫毋任充銷矣仰即遵照

附原稟敬稟者竊查鎮南之南山蒙化之南澗及姚州東界之前場關大姚東界之龍



街向係白井消岸歷來認地行鹽不容攙越以重行銷止鎮南地面與琅鹽混淆案經前提舉稟奉核准將白鹽應銷之楚雄西門外至呂合陸拾里一段劃與琅鹽專銷由呂合至鎮南及南山等地專銷白鹽各案定界行鹽如有互充均以私論稟奉批准在案詎反正後琅鹽仍復過界充銷正擬稟報適新章有聽民自便一語則黑鹽琅鹽按板鍋鹽均各過界充斥遍及鎮南兩姚南澗等岸蓋該三井之鹽價較白井爲輕秤亦較大致禁無可禁緝不勝緝總辦到白接辦知鎮南爲銷場要點先將琅鹽侵充情形稟請實業司令行飭禁各認定界行鹽今白井三面被充征解大受影響卽喬鹽亦因之短銷若不仍舊規定示以限制恐啓加稱放私充銷之漸擬懇師長仍如前稟將呂合以外至楚雄西門外六十里劃歸琅鹽專銷呂合以西及鎮南南山南澗不准充入其餘姚州之前場關大姚之龍街蒙化之南澗爲白井專岸攸關報征均請飭禁黑按等鹽不得過界充斥如或互充均以私論是否有當理合具稟仰祈師長俯賜查核賞准出示嚴禁仍乞批示祇遵

爲出示嚴禁事案據白井督銷楊總辦呈稱據白井士灶張習藝等稟稱竊維滇西鹽務不患出鹽不多患在銷路不廣如聽行銷自便則稱大價廉之井必將四路行銷實妨灶民生計查鎮南爲白井銷場大宗屏蔽兩姚內岸所關課薪尤爲重要先因瓊鹽價廉課輕遂得任意充銷毫無限制故黑瓊等鹽亦乘間侵灌白鹽奇滯課墮鹽壅食存五百餘萬之多實爲從來所無上年始經黃前提舉稟准將楚雄西門外至呂合六十里一段劃與瓊鹽行銷由呂合至鎮南及南山等地專歸白井行銷彼此各守定界不准侵越如違拿獲即以私論甫經定案方謀疎銷不意新章有聽民自便一語黑瓊按鹽接踵而至既遍鎮南侵入兩姚地面白井銷場愈擠愈窄不請示禁於商灶生計妨害甚大懇請轉稟認界行銷賞准出示飭令禁止以維課薪而甦灶困等情經該總辦先後稟請飭禁前來查行銷原以便民食而統籌尤宜顧課薪今鎮南既爲白井引岸要點屏藩內地銷場如不爲之劃定行銷不但損此不能益彼將見紛爭不已課墮薪懸據呈前情應准出示禁止爲此示仰該處商民人等一體遵照自示之後務各照

舊買食白鹽不准購販鄰鹽越界充銷紊亂鹽政如敢不遵准緝私兵役人等拿獲解送地方官廳照章罰辦凜遵毋違切切此示

一件批白鹽井督銷總辦楊大材稟請限制阿墩入口沙鹽不准攔入維西運維喇鹽仍請略加秤頭文

如稟辦理仍候實業司頒發告示飭遵繳

附原稟敬稟者竊查喇雞嚕井出鹽雖富其如引岸過窄復被沙鹽充銷遞年額虧近年愈甚緣阿墩子入口沙鹽價本輕廉乘喇鹽迭加團鈔練費之隙價值過大於是節節由充遍於中維該處止圖抽費以辦公益惟恐沙鹽銷之不多遂不計內額之虧利權外溢迭請飭禁成效毫無若不亟圖規復何能漸收效果查中甸維西本喇銷地引岸久失但恐收之過急或生他虞故歷任稟請以加爲禁收欸彌補喇井不足之額今擬先從維西入手使逐漸擴充從容收效刻下暫准中甸仍銷沙鹽惟懇行令該廳於沙鹽進口重加稅項以征爲禁逐漸擴充庶可規復喇岸至於維西地面懇請責成防

兵於維西邊界嚴行稽查沙鹽不准攔入維西一帶如違拿獲即以私論并由喇井發鹽運交維西廳按戶攤銷不准再食沙鹽俟沙鹽禁絕設該處公益不敷准由喇鹽加價充費但該處路遠脚昂倘成本過重難保不再食沙鹽仍請將喇鹽略加稱頭庶足以便民食而資抵制是否有當理合肅具稟仰祈俯賜查核賞准出示遵辦伏乞批示祇遵除稟實業司外爲此具稟須至稟者

一件批白鹽井督銷總辦楊大材呈請嚴禁沙鹽規復中甸維西引岸文

稟摺均悉所請將中甸維西收爲喇井引岸禁止沙鹽入口并請照邊岸定章減免團厘練兵邊薪學堂等費以輕價值各節係爲擴充銷路增益課額起見自屬可行惟事關變通定案似應稟呈實業司轉呈軍府核奪辦理可也

謹將喇鹽運到中維照邊岸定章減去各欸合售價值并設局銷鹽緝私各情形開摺呈請鈞鑒

計開

一喇井鹽價每百斤合庫平庫色銀肆兩貳錢七分照邊鹽定章請免團費壹兩練兵經費三錢二分釐金一錢五分學堂經費三分鹽務公費七釐九毫邊薪壹錢共減免銀一兩六錢零七釐九毫加上邊岸經費銀二錢三分合減銀一兩三錢七分七釐九毫合征解課路薪公各款庫平庫色銀式兩捌錢九分式厘一毫算合麗江市平加公平水合絲銀叁兩零肆分叁厘陸毫加藍草肆分小路至維西五站約加馬脚銀式兩加麗維中甸學費銀肆錢共合麗平絲銀五兩肆錢捌分叁厘陸毫查沙鹽市價每百斤平稱在維西約售銀五錢喇鹽照從前邊章三八加秤除沿途撞擦損耗到岸約合平稱壹百叁拾伍斤以市價五錢售合銀陸兩柒錢伍分除去所定價本伍兩肆錢捌分叁厘陸毫外尙餘市平銀壹兩貳錢陸分陸厘肆毫價尙酌中民無食貴既可以抵制沙鹽售價亦可餘贖開支

一維西中甸擬請各設一督銷委員設局辦理所用司事人役量事繁簡酌定  
一中甸距井窰遠擬於石鼓設一轉運以資運濟

一阿墩子緝私銷鹽事宜請以該處彈壓委員兼理薪水開支量事酌定  
一原設緝私兵只式拾名恐不敷分佈請仍照邊岸章程責令防營及地方團兵一同  
協緝照章嚴定功過

一馬脚暫定式兩係指由小路到維西五站而定多寡隨時增減加入鹽價售賣至於  
運到中甸以及各分局遠近不一計程照加

一麗維中甸三屬學費業已加入鹽價按照年收鹽數多寡全數撥發

一鹽價既請照邊岸章程減免各款與地方售價迥別難免無例灌內充等弊應請改  
築鹽式以示區別而便稽查

一建設之初不能不藉地方官自治局同爲維持免致掣肘應請合行維西中甸兩廳  
及自治局協同辦理乃期後效

以上擬辦各條是否有當統祈衡核示遵其餘未盡事宜應候稟奉批准再行隨時  
稟請核示遵行

麗江自治局和牛木三君覽永昌祥官鹽店淨收腳價既經三面算明實有六百餘兩應准提作團費核實報銷至鹽價漲落向由井官核報實業司考查該號何得任意低昂應否酌定價值候札行提舉查後再行商同軍政部核辦現在大局已定應亟裕課保商該紳等亦勿動以清算賬目致涉擾累切切巡按總司令冬印

騰越張紹三兄鑒庚電悉查雲龍五井殘破後此間派賀馬管帶何大使赴井會同劉管帶得勝安撫地方整理鹽務此次漕澗鹽局必係永昌派去之徐銘勳與此間所派爭執而徐銘勳張大其詞任意捏報現委知州蘇牧紹章由榆到任以後鹽務責成該州大使專理聽騰永商販運銷請速將徐銘勳李暉祖等調回勿干涉生事賀馬兩管帶已飭即日回防劉管帶得勝飭暫留井保衛請釋念藩根源叩青印

順甯李希白兄鑒灰電悉順雲一帶乏鹽馬召局存鹽既多應准運往銷售以贍民食惟所運鹽斤所售鹽價及運脚各費均湏分晰登記冊報軍政部查考並將售獲之款妥爲收存如遇軍餉所必需尤須先電軍政部聽候准駁方可動支蓋因官商欠款甚

鉅不能不踴實辦理以塞各欠商之口藩根源灰印

省城軍都督府鈞鑒據卸署白鹽井提舉靈現稟稱提舉本出漢族先世姓趙誤以漢軍投旗懇請更正姓名爲趙林琨入籍太和并稱在白井任內奉公在外所有經手課款商欠甚鉅現已卸事呼應不靈祈假權力以便追收歸款等語查該員數典不忘深明大義擬准如所請更姓入籍以化畛域至該員前任白井提舉欠款甚多自須該員親往催收擬即委該員爲催收欠款委員并兼督銷存鹽事以清首尾而重公帑可否祈電示飭遵師長根源謹叩蒸印

麗江姚守並轉雲龍蘇牧同覽頃據趙委員林琨電稱各該井商欠課款尙多至今收數寥寥大使權力不及懇請轉飭地方官督同該大使等按名嚴追以濟軍需等語希卽認真督同按名勒追毋任玩延是要總司令部冬印

省城實業司鑒真漾兩電悉白井督銷關繫重要非情形熟悉貴本雄厚弗克勝任昨准真電卽屬意於張鑑藻因渠堅辭尙未決議王百銳與源同里素稔其爲人才具固



長惟於此中情形似較張爲遜接漾電後復浼張勉任其難并招舒良輔及騰越鶴慶大理商號十餘家洪盛祥永昌祥錦記等集議僉承任贊助張鑑藻辦理衆擎易舉成效可期擬請呈明軍政部卽電委張鑑藻以專責成可否盼覆根源叩敬印

省城軍政部實業司鑒宥電悉張鑑藻力辭堅不承認白井鹽務重要期速得人查有下關錦記股東楊大材才長心細操守嚴明擬請即委該員充白井督銷總辦如何希覆根源叩宥印

省城軍政部台鑒廿五電悉前電未經發表請即迅速改委楊大材充任源現赴騰去井較遠一切事宜均請飭司直接飭遵已電該員知照並飭遵照新章籌畫一切矣謹覆根源叩宥印

下關楊錦丞兄覽白井督銷總辦一差關繫重要昨電請軍政部委台端充任已電復准在案鹽務彫敝極矣應如何補救整理望查照新章妥爲籌畫源現赴騰一應事宜卽直接稟商軍政部及實業司核辦可也根源宥印

下關白井督銷楊總辦鑒全電悉所論煎銷宜合固自有見特是今茲改章司中亦且深意將以前銷之分立矯提舉之壘斷鹽不足則問督煎課不足則問督銷運之與銷自是一事不慮不靈新章初布似難遽議更易後如推行多窒不妨再爲籌商此席已屢易人今始得資倚畀一切端賴擘畫幸勿辭勞督銷何人及緝私一節此間尙未深悉希電實業司查詢可也根源江印

下關白井督銷楊總辦覽前騰督銷委員彭繼志因亂逃出一切存鹽底賬茫無根據雖經騰越張鎮台委戎良漢畢光祖二員駐局經理亦雜亂無章現在戎良漢已委署司獄督銷不可無人因暫委畢光祖專任其事飭令將以前鹽務切實清釐以後鹽務妥爲經理并令稽核出入欸目裁汰冗濫人役不許含混瞻徇並經聲明此係暫時變通辦理一俟通章頒行督銷總辦到差即將經手接管前後各賬目及一應事宜直接呈請查明聽候核辦以後該局或裁或留卽由該總辦遵章直接稟商實業司辦理除分札騰衝府隨時監視并電達實業司外希卽查照總司令部文印

爲密令事訪聞記名幫帶陳子林於舊歷九月反正前一日解有江頭鹽欵銀壹千叁百貳拾兩係北練富矣村人代馱此項鹽欵查未繳局仰該委員嚴密詳查究竟此欵歸落何處是否該陳子林隱匿私沒務須破除情面認真追繳具報查考毋得瞻徇切切此令騰衝鹽務委員畢光祖

爲命令事案據暫委督銷騰岸鹽務委員申稱竊委員於反正後協同戎良漢辦理騰越督銷鹽務當即會同辦理所有收發鹽勛售賣價銀俱援舊章無所改移其鹽每百勛定價騰平公估銀六兩五錢近練六十里以內加稱五勛以六十里外遠練加稱七勛以期銷路暢通又寓體恤商人之意旋蒙改委戎良漢充騰越司獄以委員暫充督銷邊岸鹽務即遵於陽歷二月十八日到差專司督銷事務弗敢稍涉踈懈每慮及此項鹽斤薪本脚銀課欵每馱若干局中無從查攷僅於由永昌轉運局冊內考查由雲龍井運杉陽轉永昌又運騰越雲鍋鹽每馱二八稱加算平合騰平銀叁兩六錢三分除加稱二八脚銀五錢五分每百斤合銀叁兩零八分雲小鹽每馱百斤合騰平公估

銀貳兩柒錢薪本銀壹兩此三柱照冊查算似歸實在惟課銀一說貳兩玖錢三分又一說免鐵路欸五錢三分只合貳兩四錢課銀一項難以憑定今暫擬以二兩四錢算連脚薪課三項雲鍋鹽應合銀六兩三錢五分雲小鹽應合銀六兩零三分喬后井由喬至騰二八稱算每百斤合騰平銀四兩二錢一分除二八稱脚銀八錢九分每百斤合銀三兩三錢二分薪本一兩課銀二兩二錢此二柱不得其詳不過人言如此難以預定今暫照此計算每駄鹽到騰百斤已合銀六兩五錢二分此數端舉其大概而言惟鹽政一項上關國計下爲民生如價值賣低則有虧公家賣高則有關民食是以仰懇轉飭督銷總辦查明井上薪課折中定價俾得遵照辦理而局中亦有把握今楊總辦大材既已到騰應如何佈置之處務求飭該總辦速爲籌畫以重邊岸如內地作商運商銷督銷委員駐騰或兼轉運亦或移駐司地轉運又爲委人伏祈酌裁但委員於司地身不親歷夷民情形隔閡雖鹽務係近商情而有時亦關行政且地處桑梓若執法則傷情徇情則廢法艱難之處不得不縷晰呈明况此時祖國重光正委員効命之

秋曷敢偷安惟念人地不宜恐有遺悞懇祈另委能員接替隨師効力以備馳驅是所懇禱再前任督銷彭守辦理司地鹽務情形委員因無案可查遍採羣言並詢問當日隨彭守辦事各人得其梗概用特呈明以作蕞蕘之獻其辦理法則另單開呈等情據此當經本師長批示稟及另單均悉該員所陳各節係屬實情仰候行知督銷楊總辦會同該員酌量地方情形悉心籌畫妥爲辦理毋稍宕延是爲至要等因除批示外爲此令仰該總辦即便遵照辦理稟單併發辦畢仍繳切切此令右令督銷鹽岸總辦楊大材

省城實業司鑒號電悉永騰鹽務紛擾無紀加以海私充斥善後匪易付之生手尤難就理楊君大材此次來騰卽爲調查情形清理積弊現正妥籌辦法竭力整飭稍有頭緒再飭到井接辦並非濡滯特代電達根源馬印

省城實業司鑒據白井督銷總辦楊大材條陳各節除請通飭迤西各府廳州縣及陸防各營自治警察各局凡關於鹽井鹽局之處協力維持保護一條經由源通飭辦理

以維巖政外餘請轉電各條撮要轉達如下一督銷鹽勛請暫不定額也從前鹽務之壞壞運囤積皆誤於顧額其實額自額顧仍不能顧以致課款虛懸演成今日不可收拾之現象新章三井暫以四千五百萬爲率以一年爲試辦之期雖未定白井若干究竟爲額所限鹽務本營業性質銷售以多多益善擬請於試辦一年期內趕緊設法煉銷存鹽并銷新煎儘銷儘解暫不限額俟積鹽銷清試辦期滿再請酌中定額惟須札飭各井督銷竭力進行以期起色一銷售積鹽請通融價值也查前各提舉存鹽約共四五百萬好鹽少而次鹽多數年後質壞色變銷售爲難如不接收而令經手之提舉大使另行改煎則鹽數既多改煎不易窮年累月鹽未收清銷場愈形困難擬請通融辦理所有接收存鹽好者提價次者貶價二三錢俾易售賣必積鹽早日銷清則銷途方有轉機雖公家微受虧損而轉出久欠之課於前途裨益實多一邊岸鹽價請變通辦理也騰衝西南沿邊一帶海私充斥價廉質美官鹽質差脚貴常比海私增價兩倍如將官鹽海私平價抵制損失過鉅勢難辦到查現在騰中官鹽售價六兩五錢劃計

井課腳價尙不敷本四五錢之譜本年商務減色米價翔貴鹽腳漸漲每站需銀四五錢腳價漲則鹽價隨之愈無以圖抵制擬請將邊岸之鹽照騰價劃加半腳銷售現爲維持邊岸計公家賠累一二亦不能惜等情查核各節均係實在情形該井銷路困難已臻極點審情度勢似不能不予變通如何之處希核議定奪飭知該總辦遵照辦理  
根源養印

爲錄電行知事案據實業司勘電稱養電奉悉白井楊總辦條陳各節自係實在情形第統籌全局亦有窒碍之處所擬督銷鹽觔暫不定額一節漫無限制是敗銷多報少之弊白井如此黑井自當一律則公家受損不少新章以四千五百萬爲額原體察各井近年實銷鹽數斟酌核定現復各就井情銷案參考零銷難易按其原加額數分別計賤攤減定額不日呈報頒行此節擬請勿庸置議又稱請通融價值一節自係爲除舊維新起見按之新章各井現存及運存殷實商號之鹽由督銷接收搭銷一切課薪陸續解還其運存於非殷實商號及不易售之鹽應由舊提舉限半年內銷解清楚今

白井存鹽既在四五百萬好者少次者多質壞色變銷售爲難該總辦應照章辦理若一概接收姑勿論公家之虧損甚鉅該總辦既有新額而抵銷多數不易售賣之鹽負擔亦云重矣舊提舉又未免太得便宜據稱好者提價次者減價實際上恐難辦到此節擬請飭令照章接收俟接收後再行查核情形妥籌報明辦理又邊岸鹽價請變通辦理一節查邊岸舊章運銷加三八稱減征團厘公經等欸公家正課微乎其微將邊岸之鹽照騰價劃加半脚銷售爲維持邊岸抵制海私計自應通融照准惟不敷之一半脚價仍應照案於節減項下彌補不得撥減課欸免重公家賠累所有核議緣由是  
否有當除報部外應請銜核飭該總辦遵辦並乞示遵實業司現祝叩勦印等情據此  
台行錄電行知爲此仰該總辦即便遵照辦理可也此令白井督銷總辦楊大材  
滇省實業司鑒昨接勦電當經轉行楊總辦去後茲據呈稱指示各節統籌全局謹當  
遵辦惟查前請督銷鹽勦暫不定額一節意以鹽務本營業無論定額與否要以多銷  
爲目的白井邊案寥濶鹽政紊亂較他井爲尤甚故整飭清理亦較他井爲難若不略



爲變通恐舊弊終難蠲除原呈曾聲明試辦一年即酌請定額是於變通之中仍寓限制之意且現章分爲督銷督煎兩機關每月冊報煎銷數目互相牽連毫厘之爽按冊可稽自無銷多報少之弊又請通融價值一節司以新章運存商號之鹽由督銷接收搭銷課薪陸續解還與非殷實之戶飭令舊提舉於半年內解繳清楚規制本極周詳且不易售之鹽亦飭令半年銷解尤承辦者所深願惟慮積壓太多若不予以通融則新舊混雜窮年累月銷售爲難又恐前提舉急於解交低價出售人情趨於賤易新銷鹽勛必將大受影響擬請將稍好者提出代銷次者仍飭令提舉改煎以免其賤值抵制俟半年將存鹽售清接銷新鹽一年期滿即有把握如此辦理似無甚困難之處並據該總辦力懇尊處俯如所請暫行試辦以後若有窒礙可仍隨時稟請變通辦理等情前來查該總辦承任督銷適承其敝困難窘感什佰他井源所目擊不能不代爲轉陳至可否准予變通暫行試辦之處統候核飭遵行根源叩冬印

騰衝黃太守自治公所商務分會覽頃查騰屬老刀弄田埧有大小兩鹽井係前夷民

王氏所開曾著效驗後填井時曾用兩鉄鍋埋在井底爲記至今約四十餘年其地距  
憂度四十里憂度距銅壁關三十里張品高知之最悉希即派該員剋日前往勘查電  
後籌畫開採總司令部漾印

省城軍政部鑒迤西鹽務之壞在於提舉歷任提舉之弊在於趨額前提舉趙靈現所  
欠鹽課至三十餘萬之多其存鹽不過值銀數萬聞其賒放鹽賬數逾十萬有虧本倒  
濫者有故意遷延者若任其儘收儘解將經年累月終無了期必須另委妥員清釐其  
事凡該提舉經手各款除賒放欠賬未收外確細算明共有若干飭令該提舉如數繳  
出其賒放欠賬若干飭其開具清冊呈由貴部責成該管地方官代爲按名押追若有  
抗延不繳分別杳抄抵償俾舊款得早清一日則積弊可早除一日鹽務前途庶幾可  
望起色否則新舊雜糅窒碍實多鹽務恐終無澄清之日且該提舉以卸事之人爲催  
收之員欠賬之家必多玩視而藉端拖延又况已收若干公家無從稽核即使實收實  
解成數已覺難期假使因清欸之無期蹈楊尙懿之覆轍更難收拾頃楊大材到榆亦

稱該提舉積存鹽斤銷售困難於是減價遠期實於新章大有妨碍近來官鹽銷路異常滯澀職是之由乘此派員速爲清理或尙有澄清之望如何祈酌奪施行並希電復  
根源叩刪印

省城實業司鑒案據雲龍吳大使電稟諾鄧議紳黃漢中糾約孫聲揚楊兩金李光明楊裕才等販運私鹽二十三馱經該大使偵知派兵緝拿黃漢中等竟敢恃衆拒捕並將井兵鎖打當經飭白井督銷總辦楊大材到雲確查稟辦頃據函稱黃漢中聲名素劣兇惡異常此次運私毆兵均係彼主使孫聲揚等係被彼威逼脅從至該首惡已由蘇牧緝獲監禁懇請懲辦各等情前來查私運已干禁令拒捕尤屬兇悍該黃漢中身爲紳首行同盜賊如此不法深堪痛恨非嚴行懲治不足以維嚴政而昭儆戒當即電飭雲龍蘇牧將黃漢中按律加等議擬稟請懲辦孫聲揚等亦飭緝獲訊擬詳辦私鹽二十三馱勒令繳出一併充公並飭將該犯等罪狀出示曉諭俾衆週知特此電達請查照備案根源叩禱印

令案據實業司呈稱前雲龍州黎牧會同雲龍井吳大使會稟州屬之石大天山四井於去年閏六月內暴雨水漲各民灶局所被水成災洪水灌滿井硿各灶停煎懇請委員查勘分別輕重量予賑撫豁免等情稟經鹽政公所詳請先行奏咨立案并委劍川州張牧前往會勘稟覆核辦去後迄未稟覆昨據雲龍州蘇牧又以前情呈請前來當經本司照案命令張牧前往查勘在案茲據該牧以劍川距井八站往返必逾半月現政治紛繁萬難抽身電稟前來本司覆查喬喇麗雲等井前因騰永兵亂鹽銀均有損失曾據白井黃提舉轉稟到司當經呈請師長就近委員前往各井局清厘查報在案現在此案災情劍川州張牧既難分身前往應請師長就近併同前案委員查勘稟覆核辦以免另委致耗旅費等情據此查喬喇麗雲各井前因騰永兵亂鹽欵損失頗鉅業已令飭白井督銷總辦楊大材查辦在案茲據該司呈請委員會勘該井水災查有署浪穹縣知縣張映寶勤能耐勞堪以委往會勘除飭知雲龍州暨雲龍井吳委員外合亟命令爲此令仰該縣遵照迅即束裝前往會同蘇牧暨吳委員詳細履勘呈報查

考切切此令浪穹縣張映寶

省城軍都督府鈞鑒據騰衝李鎮黃護道敬電稱據第十六營在壩尾街緝獲海私叁拾馱駝馬三十二匹及零物一併解騰由泳送謙核收照章交官鹽局過稱淨鹽三千七百斤零按條欸獲鹽而不獲人每百斤應賞銀四元騾馬各物變價半充公半充賞除海私飭局銷毀將駝馬發交商會變價以一半充賞並由充公欸內提出獲鹽賞銀外有餘擬即撥充貧民習藝所經費等語查條欸獲鹽而不獲人每百斤賞銀四元未免過多擬折中改爲每百斤賞銀二元當電飭核議具復茲據該鎮道卅電稱條欸賞銀係軍府照舊例新頒誠屬過重如係緬人所販不能充其馱馬費且無出百斤二元至允當由謙遵發各等語合併錄呈乞轉飭備案師長根源叩東印

慎省實業司吳石生兄鑒電悉白喬等井積鹽太多不能不早爲清理各前提舉欠課尤鉅尤不能不趕爲催收茲查有恒裕號股東董友蘭家素殷富樸實勤能堪以委充白喬等井清積鹽催欠課委員該員現駐永昌已電囑其剋日來榆會同督銷楊總辦

商辦外請由省頒給委狀關防并請將辦法職權規定一同寄關交楊總辦轉發該委  
薪水每月擬給肆拾元外添司書壹名月支拾式元雜役二名每名月支陸元夫馬火  
食均在其內是否盼覆根源叩刪

### 外交

省城軍都督府鈞鑒月密庚電敬悉騰自開關以來○○恣睢官吏茸鬪事無鉅細聽  
客所爲辱國喪權更僕難數奴隸牛馬視爲固然其間能自振作如秦樹聲立斥之去  
不得終日於是奸民攀援依附凌轢同種破壞國防狐鼠梟獍徧地皆是迨片馬事起  
且爭爲外人効命有司熟視而不睹國人切齒而莫報此滇人腐心橫慮匪伊朝夕者  
也幸賴鈞府之主持又得軍政部爲後盾翼以寒奸膽恢國權於萬一至於對外辦法  
均與樞老審慎以圖雖彼無理相干在我無瑕可指惟外人至強詞干涉虛聲恫喝而  
無効必將以政府爲挾制以謠言爲恐嚇此其慣技早在意中茲讀照復之文洞其心  
而窮其技惟騰頌習見舊日官吏怯懦性成一旦反其所爲堅持不動難保不多方思

還尙懇預籌對付力予維持國際邊防實深攸賴仍乞訓示俾有遵循根源叩灰印  
省城軍都督府鈞鑒月密樞老函送騰領所交一紙及稅司抄來總稅司轉新舉袁總  
統電一紙昨經電呈鑒核本日領事來晤復將袁總統電抄送查電內所開各節董友  
芹現在緬甸並未拿辦李三寶徐麟祥伍嘉源係前年十月拘禁在省並非現在之事  
所稱海關寫字人戴姓卽騰關副委員戴鴻勛因被人控告由關道傳案飭府質訊昨  
已由府取具親供取保回差候案以本管官吏傳訊所屬委員不但與外人無干即稅  
司亦不容妄庇均於外交上全無關係又電中一再託詞土人爲難尤爲失實當以此  
語答之該領乃強詞謂董友芹若非在緬亦不免拿辦無理取鬧至斯已極源細閱抄  
電尤多疑竇之袁公新推總統尙未就職不發自臨時政府而轉自總稅務司不由軍  
府轉行而徑行騰越官吏均不可解外人動以政府箝制官吏已成慣技此次各案始  
則強詞干涉繼則虛聲恫喝技無所施乃出於此現在辦理各案均經先後電陳應請  
鈞府查核辦理力予維持以保主權而固邊局根源叩灰印

省城軍都督府鈞鑒月密源初到騰聞張鎮述英人自九月初卽在片馬附近地方有私立界石並添派兵隊之事當派中隊長項銑小隊長李靜修由大竹墳出片馬經他憂出大小丫口回騰中隊長楊錫榮小隊長楊毓靈高家騏由茨竹丫口經他憂出片馬回騰據稱茨竹丫口大小丫口等處皆新豎界石派賴他憂官寨等處道路亦已修成皆寬坦可以行軍其駐紮兵數他憂現有八九十名官寨有二三十名把仰有十餘名赧霧茨竹林等處各有四五十名又聞有一大隊沿小江而下恩梅開江而上係爲經營征服浪狽狽夷各地各該處居民自舊歲卽已徵收門戶錢每戶緬洋一元英人工於籠絡頗有傾心外向之勢生等前行屢瀕危險佯爲商賈搜檢甚嚴等語查英人前次違約進兵片馬力爭始暫退兵今復私立界石駐紮多兵尤屬大背約章除再隨時探報外謹將該員等偵察所得情形先行電陳應如何辦理之處伏候鈞裁根源叩  
篠印

李師長鑒月密篠電所言英人私立界石駐紮多兵等事已將從前界務及現在情形



詳達哀總統請其亟商英使正式開議勿得暗自襲取並派員赴京鈔錄界務及外交重要檔案地圖預備將來嚴與交涉現在國基未定自難輕開釁端然一味含默後患更無已時惟有一面由中央與之交涉一面於彼兵隊未到之地亟先派人撫綏經營早爲地步庶可稍戢野心鑿宥

省城軍都督府鈞鑒月密頃據雲龍六庫土司段浩報告現聞猱夷一面英人修路已至朋掌等語除函該土司確探續報外謹聞根源叩刪印

爲委任事照得騰邊原設交涉邊案正副委員以正委員承辦南干蓋戶腊撒五土司及芒那神護古勇各隘交涉邊岸以副委員承辦隴猛兩土司交涉邊案舊時所定章程聲明副委員所不能了之案并以正委員了之是騰邊七土司各隘所有交涉邊岸均在正委員範圍之內副委員尙可暫緩正委員則須亟行復設茲查有蓋達彈壓委員黎民藩明白耐苦熟習邊情堪以調充除照會駐騰英領事并行知騰衝府外合行刊給關防給狀委任該員應卽遵照俟新委彈壓委員郎保泰到差交代清楚卽速到

差仍駐紮蠻允舊局查明劉故道所定正委員辦事權限章程暫行遵照辦理該差原定每月薪水八十兩夫馬雜費二十兩設繙譯兼書記一員月支薪水銀廿四兩司書生二名月各支工食銀四兩親兵八名每月支銀三兩均准照舊支給以資辦公此項薪餉前係由騰越廳呈解道署專鈔項下每年撥發銀六百兩餘均由省局付入西防薪餉搭解分季赴道署承領應候電省立案照辦專鈔解欸如不改章仍由道署核收撥發至該正委員前係由道直轄凡平時辦理各案及年終會審各案受成於道與騰越廳不相關涉現騰越既升廳爲府與前體制不同該正委員應歸管轄凡應報道者均報府一分並隨時稟商辦理以通呼息而一事權仍將到差啟用關防日期及接收局內卷宗什物分別具文開摺通報查考切切此令右狀給辦理交涉邊岸正委員黎民藩准此計發木質關防一顆

呈案據騰衝府知府黃謙稟稱騰關所收專鈔商務旺年約得二萬餘不旺不及二萬舊例保商營薪餉年支九千南干蓋三土司崗費年得五千餘犒賞山頭野貫年約千

餘有餘始撥爲修路費其中除崗銀犒賞尙係照章發給外餘銀九千兩每月解道署七十二兩扣存騰越廳署約三百兩餘五千始發爲保商營薪餉而廳丞又分保商之潤管帶又缺兵丁之額故名雖有漢野兵一百五十名其實不過有十分之五六至去年溫前丞乃幾全蝕之聞所養祇三四十人自充兼帶於是英婁前領乃大加干涉欲停止專鈔嗣宋道聯奎到任稅務司又出而調停乃重訂一合同載明每年提銀一萬兩修路三土司崗費及經收專鈔委員津貼仍照發餘銀交地方官作爲巡查保商之用等語核其餘數每年至旺不過三千餘否則不過二千規復舊額固不能即裁爲一百亦不能養有餘尙可開報不足則無從籌給謙到任廿日始悉底蘊不得已裁減漢野兵爲五十名裁去管帶名目改爲保商隊長月支薪二十金合計年亦湏銀二千數百以現在商情而論且恐無以爲繼至黃安和差內照舊章百名核計尙欠兩月薪餉彭管到差在未裁之前應照舊章百名發一月薪餉核計專鈔餘欸實無可撥現暫發黃管一月發彭管一月餘欠黃管一月歸於無著擬請將來由西防兵餉內提銀酌補

計抄呈改訂收鈔修路合同及保商隊餉章各一扣等情據此查專鈔一項現除修路及土司崗費委員津貼餘銀年僅二三千兩而保商營薪餉專恃此項開支實屬艱窘已極該守斟酌情形變通辦法所訂編制餉章尙屬可行應准查照辦理其黃彭兩管帶差內應發薪餉既經該守各發一月餘欠黃管一月薪餉據稱無欸可撥可否准予變通由西防餉械分局內酌量撥欸補給以清欠餉之處理合呈請鈞府查核批示飭遵除將改訂收鈔修路會同保商隊餉章另單抄呈外此呈雲南軍都督府計呈改訂收鈔修路合同保商隊餉章各一紙

咨案據署永昌府知府由守雲龍呈稱中華民國元年六月初五日據署永康州知州和牧朝選呈稱據州屬下三戶堂上水民人段仲義同侄段燦稟稱光緒三十四年冬月初十日戍刻民胞兄段仲良家被英屬果敢縣賊匪三十餘人搶劫吊打登時槍斃段仲良及工人楊老炳陸尙朝劫去紋銀玖百捌拾兩洋元壹千圓芙蓉肆千壹百兩騾子貳拾頭馬貳匹洋線叁駄快槍叁桿洋槍柒桿當經報團追至該縣老街地方遇

楊六勳官金勳官二人勸阻糾團回家伊等代爲跟理及至臘月杳無音信段團長派團丁段接林湯芝壽由果敢縣衙內跟究四淡棗騮賊馬壹匹曾經報明前李任二委員案下驗明後移請果敢縣緝賊究辦查實賊匪周從貴吳元安並廣客三十餘人未獲迨至宣統二年臘月曾奉前州主覃諭赴蠻愛會案曾將此馬呈驗時值前關道貴概廳交涉委員臘成道王管帶會審因果敢縣被告未到蒙諭令民等下屆又會去歲因值會案之期因地方反正提辦交涉未獲前往伏思民兄家財什物被劫數千金槍斃三人帶傷二人家具盡掃一空苦楚萬狀况又屆三年以致冤抑未伸且居此邊鄙交涉之案迭出若不稟請緝賊究辦邊鄙難安若不稟明恐伊反控情處無奈惟有投叩作主咨緝此案賊歸案按律究辦俾民等冤苦可雪等情又民國元年五月二十日據州屬小猛統蘇家寨民人楊廷燦呈稱爲攔路行劫謀夫奪妻事情因民侄楊二自幼娶妻茶氏於光緒三十一年內移家英緬果敢縣墓泰地方住居歷有年所至宣統元年五月十八日由果敢縣移家回永康至三戶田壩寨外僻靜之處倏被賊人將

姪子楊二殺斃奪掠妻子茶氏刼去大槍壹桿長刀一把鑼鍋壹口鉢鍋壹支洋毯式床氈子式根其餘銀錢不知脩細奈此地隔民家二百餘里未通音信嗣經報明三戶總團代爲查賊踪跡後確查民侄楊二之妻茶氏與果敢縣夾馬溝楊發爲夫婦查該楊發現充果敢縣親兵始知前時攔路行刼謀夫奪妻乃楊發所爲民侄楊二遭此不白之冤慘死於溝壑不能瞑目九泉傷悼已極情實難甘惟有投叩作主賞咨果敢縣將楊發及茶氏移解歸案究明冤抑則生者沾恩死者瞑目等情據此知州伏查此等重大案件事關交涉未便擅專除呈外交司關道憲外理合呈請查核照會洋員歸案究辦等情據此署府當查所呈兩案情節既重又關交涉未便擅專理合據情轉呈請祈俯賜查核照會辦理等情據此相應備文咨請貴部查核飭司照會辦理此咨雲南軍都督府軍政部

祠祀

令粵稽明季金滄副使楊文烈公畏知當胡虜憑陵國家蕩析一城扼守九郡保全破

走沙定州感服孫可望卒以運移事棘志決身殲其志節光於史策其功德著於人心是以慎繫載之楚郡祠之下協人心上應祀法其後禋祀不修廟貌荒落乃使孤忠大節泯沒而不彰抑亦邦人士之責也本師長皆爲諸生常深景慕道出斯邑言訪故祠乃在縣署東偏遺址漸爲公廨所侵湫隘已甚蕪穢不治拜謁之餘實切感喟今年獻歲復經斯土走謁祠下慨然有重修之志曾與邦人君子往復規度欲遂釀金新之願以行役尠暇未竟斯願耿耿至今茲者督師履境重念初議望古遙集苟不克竟厥功何以昭示來許其以裁缺楚雄縣署改爲公祠庶幾棟榱一新楹窳畢備於以發揚前烈啟迪後人至一切修建之費即以該縣原有規費未經揭出者悉數撥充開支凡工程事宜責成楚雄府暨自治員紳公同經理亟用經始以觀厥成有司以時致祭著爲常典又崇禎壬午舉人戶部員外郎劍川趙雲升先生炳龍贊公幕府登公啟事與籌兵略荐陟農曾慨桑海之變遷終榮薇而行遜等文信公之僚佐匹鄧中甫之瑰奇楚雄遺老萬歷丁酉解元劉毅菴先生聯聲靖獻道窮衡茅節厲佩湘纓芳菲之志矢箕

子黍離之音與公雖通隱之殊塗實操行之一揆允宜左右附祀氣類不孤發潛聞幽  
廉頑起懦亦風教之大端也除呈報軍都督府立案並分令外爲此令仰該府即便遵  
照辦理此令楚雄府知府兼攝縣事黃彝楚雄縣自治公所

雲南學政司台鑒黔國鎮滇開物成務流澤至今代遠年湮幾于不祀昨在省（沐氏  
子孫縷稟前）曾於江蘊琛罰款項下提銀三千兩發交尊處作爲修祠祭享之費查  
沐氏祠堂舊址卽南門外之風伯祠又沐氏歷代遺像現存圖書館希即將祠堂派員  
改修并仿塑遺像以報先烈至盼根源叩皓印

省城財政民政學政司同鑒支電敬悉風伯廟改作沐氏宗祠做塑黔國像滇泉宮作  
沐王廟奉木主以鋪面租息作祠廟祭需前撥銀三千兩以二千兩還賑一千作兩處  
修費具見蓋籌周備欽佩無已請卽酌派委員覈實培修可也根源叩敬印

令崇德報功國之常典吾滇棄於孱宋酋長代雄以逮胡元羶腥混合生民之道泯焉  
幾亡維明征南將軍穎川侯傅公友德副將軍西平侯沐公英永昌侯藍公玉佐大君



以開國奮厥武而滅胡既定中原載勤南服沈醜虜於昆明之水陳王師於葉榆之津  
布德抗稜段氏繫組金齒騰衝鶴慶北勝諸路以次遂下蕩其毒螫建我邦家皇漢聲  
靈於茲炳焉沐公建藩此土世載其澤與國存亡遺愛被於今人餘威振於殊俗而穎  
川永昌生痛弓藏沒虛俎豆黔國祠廟鞠爲茂草豈惟無以稱成功抑將何以揚先烈  
哉今者炎黃翌運羯胡貫盈漢業重光宗邦再造惟先人靈爽實式憑之本總司令官  
當都邑初復首議修沐公祠於昆明以繫我邦人之思屬茲有事西陲駐師大理俯仰  
山河追維創造豈可使三公力征之地而祀典闕焉不修其以己廢之萬壽亭改爲三  
公祠一切建築經費工程事宜由大理府督同七紳籌集經理其提標原置漾濞上庄  
官租貳百玖拾貳石年得貳百餘金悉撥爲祭田以奉祠祀此項田租係屬官款無論  
地方何項要公均不准挪移分文碑之於祠用垂久遠有司以時致祭著爲常典除呈  
軍都督府飭部註案外爲此令仰該參將守丞及所即便遵照此令大理提標參將楊星焯大理  
府知府秦恩述蒙化直隸廳同知林志恂太和自治公所

大理秦守覽馬電悉賭犯許吉甫等三名現已共認罰金式千元除已繳外下餘之數請妥保依限照繳准照辦理至此項罰款以壹千元作警察開辦費其餘一千元撥作修理三公祠之用卽由該守迅委妥員覈實估勘認真督修可也師司令部養印

令查大理提標原置漾濞上庄官租及府縣學官所置官租前經概行撥爲三公祠每歲祭修經費飭令遵照在案惟查提租年約得銀式百金歲修時祭無虞匱乏該府學務諸端在在需款着將前次撥歸三公祠之府縣學官租年約得銀百餘金如數提歸該府自治公所作爲辦學經費至提標官租永遠作爲三公祠經費他處不准挪移希卽泐石以垂永久除呈請軍府立案及分令外合行令知爲此仰該府即便遵照辦理此令大理府知府秦恩述自治公所蒙化廳

省城軍都督府鈞鑒董友芳所犯罪狀實屬私通匪人干犯衆怒貽害地方當經拿獲到案訊明罪應斬決嗣據報効銀壹萬兩由自治紳商會代爲籲請從寬貸其一死籠禁通衢示衆稍洩地方之公憤而略示奸宄以創懲茲復據騰衝自治全體及商會公

呈稱該犯自守法後深切悔過之誠茲值南北統一慶祝大典擬懇從寬懲辦予以自新等情前來又於舉行慶祝式後公同面稱現議建騰衝開創殉國遺逸諸公祠堂及楊忠毅祠該犯自願呈繳銀叁千兩以資建築而贖罪愆等語查該犯情罪重大本非罰鍰可以自贖惟出全體紳商再三邀求且當民國統一溥海同歡維稱慶之時亦省刑之日該犯董友芳擬准其呈繳銀叁千兩發府監禁三月期滿再行察看釋放以徇地方之請而彰法外之仁所繳之款發交自治公所以一半修騰衝開創殉國遺逸諸公祠堂以一半修楊忠毅祠惟此次係逢曠典特別寬減後此不得援以爲請除批飭外謹電查核師長根源謹叩魚印

軍政部鑒民政司電增祀岳忠武正義所在人心所同放諸四海而準矣惟忠武祠廟雖郡縣所在多有慮未能徧且民間私立或湫隘不稱於禮因仍則陋改作則勞按文昌一祀前代所無清嘉慶間始著祀典文昌奎宿並是星名與奉斗魁同出流俗見之小說惡子之事鄙俚不經託之毛詩孝友之文附會者妄今廢其祀聽之紳民自爲用

意甚善然此間士紳以其非禮咸不肯行推之人人其事必廢擬請通飭有司其所治無岳忠武廟或不合制者卽以文昌廟改爲之庶不廢禮亦不重勞如何乞卓裁賜復藩根源叩號印

爲命令事照得本總司令昨在騰衝釐正祀典電軍政部文曰民政司電增祀岳忠武公義所在人心所同放諸四海而準矣惟忠武祠廟雖郡縣所在多有慮未能徧且民間私立或湫溢不稱於禮因仍則陋改作則勞按文昌一祀前代所無清嘉慶間始著祀典文昌奎宿並是星名與奉斗魁同出流俗見之小說惡子之事鄙俚不經託之毛詩孝友之文附會者妄今廢其祀聽之紳民自爲用意甚善然此間士紳以其非禮咸不肯行推之人人其事必廢擬請通飭有司其所治無岳忠武廟或不合制者卽以文昌廟改爲之庶不廢禮亦不重勞如何乞裁察賜覆續准軍政部豔電開號電悉增禮岳忠武各城治無岳廟者卽以文昌等廟改爲之卓見極佩已行司通飭遵辦矣希飭所屬一體照辦各等因在案維永昌郡治故無忠武祠廟典禮闕然欲以文昌宮改作

蕪落亦不中程詢之士紳以爲府縣學宮舊分爲二今學籍弗分無事別異縣治既省  
合併尤便惟縣學殿宇完好可奉祀府學後殿已隳不必復立宜卽其址加之修治  
改爲岳忠武廟使盛典可以舉行又明晉王李公定國黔國沐公天波當金鏡之墜地  
扈乘輿而遯荒想戰蹟於丁當之山去莫府爲羈旅之僕群蠻下拜百世猶興工部尙  
書王公應龍間關從亡報援弗及託孤忠於行在殉大義於宮牆父子同歸一門忠孝  
上追忠武千載同符並宜一體從祀以昭大節而勵人心所有修理經費工程事宜卽  
由永昌府會同自治公所籌劃經理除呈報咨行外合行命令仰該府公所遵照辦理具  
覆此令永昌府知府由守永昌自治公所

令照得民國新造漢業重光烈士偉行表彰宜亟惟楊秋帆先生倡改革之先聲矢恢  
復之宏願流離沛壯志不摧賡恨以終百世所仰嘗往來於斯郡爲慘淡之經營始  
麾城下之師卒死蒲縹之野河山俯仰風烈如新夫以先生建義之邦而祀典闕然不  
舉則何以昭大節而示來茲屬者馬鬣新封豐碑初建永維崇報之義宜有祠廟之修

集紳公議以謂郡城故有萬壽亭宜從廢斥用資改作庶不重勞度地料工於焉實便  
令到仰該守公所遵照所有改建經費工程事宜即便會商自治公所妥爲辦理其藉舊基用  
宏新制又彭正都尉莫蚤歲師事先生義篤在三服勤致死卒能繼志事身率義師底  
定永昌其力尤大并宜附祀先生位旁以見薪火之傳而增鑄金之義此令永昌府知  
府由守永昌自治公所

省城軍都督府鈞鑒暨軍政部羅鎔軒叅謀部殷叔桓軍務部沈石泉三兄台鑒秋帆  
遺骸永紳易棺改殯頃寄郡城源抵永之日率隊詣殯所致奠其弟振國以歸葬請已  
屬派人護喪旋省惟據彭莫方函楊毓銑何興及永紳林景清等同稱楊君舉師城下  
殞身蒲縹憑弔河山髣髴靈爽請以秋帆遺櫬塋於郡城太保山之顛以光志乘而昭  
來許云云詢之振國仍堅請歸塋先塋惟永昌一隅爲秋帆建義之地如以忠櫬營塋  
名山表揚風烈於茲最切又况子孫之祀不如桐鄉之祭前哲所嘆以爲美談振國之  
意雖出至情永人所請實當公義如何乞示根源叩感印

行營李師長鑒感電悉楊君秋帆遺櫬既據永紳公請葬於太保山以光志乘甚合公義乃弟振國堅欲扶櫬歸塋先塋揆之狐死邱首之訓雖近於禮究係私情自應如永紳所請以昭公論而闡幽光希卽轉知照辦鐸艷印

永昌由太守王大隊長黃鑑峯君李光斗君楊鎔齋君楊振國弟保山自治局覽頃准參謀殷總長軍政羅總長軍務沈總長艷電開楊君秋帆遺櫬既據永昌公請葬於太保山麓以光志乘弟等以爲照此辦理頗合公義乃弟振國堅欲扶櫬歸塋先塋揆諸狐死邱首之義雖近於禮究係私情自應如永紳所請准營葬於太保山以昭公論而闡幽光希卽轉知照辦等因希卽查照擇日開壙以禮窆葬駐永軍隊全體送葬並傳知城廂居民懸掛國旗以伸景慕至楊振國弟前請固出至愛惟吾友秋帆匪惟慎中光復之偉人抑亦世界革命之鉅子蓋非一家一邑得而私之者又况子孫之祭不如桐鄉之祀前人固已言之今日者名山作塚志乘垂光將萬歲千秋憑弔山川指其遺烈使先兄行義長此不朽其視歸葬鄉園幽閔終古爲不善用其愛矣宜知此意總司

令部三十一印

省城參謀部殷總長軍政部羅總長軍務部沈總長鑒秋帆墓表槪老已撰成文如下  
雲南光復首倡公誅忠毅秋帆楊先生墓表嗚呼此昆明秋帆楊君葬保山之墓也君  
家昆明曷爲而葬保山則以雲南圖光復君實倡之志事所注肇幾騰永不幸君事未  
成實志死於此而同志志君之志卒收成功以慰君不瞑之目其不歸葬而葬此所以  
識觀感示百世準之大義而協質之衆心而安君亦可以含笑於地下矣余去滇二十  
餘年恨未識君辛壬之際隨第二師長印泉李君經畫西事李君數數爲余稱述君志  
節才略而嗟惜不去口今謁君墓適會伐石立表李君則又草君事略而以摘文見屬  
雖荒落何敢辭按事略君諱振鴻字秋帆一字志復又變姓名爲福升昆明楊氏世居  
東廓外小街君少不羈以事見繫乃自勵獄中讀書不輟出遂補縣學生故其學堅忍  
而不拔能文有口尤擅權略甲辰游學日本入陸軍振武學校感民族之今義理亡國  
之舊聞忼慨激發毅然以光復爲職志又日從孫君文黃君興孫君毓筠劉君揆一游



處所蓄日宏而委身國事亦始此既卒業鄉人公舉回滇整飭軍事君亦以將始事宜有以藉手者乃返國詭說當事危切悚動當事大重之得請立雲南體操學校著籍者幾三百人董鴻勳潘煒章徐進輩皆出其門又倡設公學開演說會於雲南路礦利害痛切敷陳往往聲與淚下於是滇人一時咸振重思自奮而君名益章徹大行遠近來以一見楊先生爲幸而當道則已稍稍忌之矣會留東學生連名揭總督丁振鐸失地喪權狀逐之去聞其議發自君益憾斥君出爲西防巡軍管帶駐騰衝人或謂君薄不爲而君以爲居邊戍志氣得發舒又去省治遠便部署率門人董鴻勳等從行董鴻勳者後入講武堂重九之夜據守五華山被重創者也君既至騰尋有蓋達土司龔職事鎮道索賄鉅萬不已且構難焉則假君以兵定之而因以爲功君往撫其衆不用兵而難解又發其徵賄事鎮道畏其言不敢取而銜之甚會君開演說會陳及大義辭氣尤慨抗衆皆爲激昂事聞鎮道喜且懼遽上變請逮治同人覺勸之行至九保過根源家大人里居止君因避焉事急間道走蠻允主劉輔國家以其力出入募達日本戊申河

口兵起君與根源暨趙君仲呂君志伊集同志開大會於江戶以張之告雲南獨立於天下會者近萬人所稱雲南獨立會是也時河口事已亟君乃結黃毓英杜鍾琦何偉伯何漢李光鼎段寬李全本等歸國助之中道聞敗乃折入緬留仰光與居君正呂君志伊叔光華報於是黨人在西徼以外之勢始立而滇西南皆有所據矣其年冬清室死喪相尋胤嗣再斬君乃召同志謀大舉於時君經營西事者閱兩年矣嘗變服入諸土司地說其土人欲因之以發難迄不成獨同志稍稍聚耳然以爲時不可失將以一隅號召人心爲天下倡而永昌方有永康改流事城中不備亟自干崖出潞江里布憂蒲縹以至馬嶺寨收諸寨人得兵千餘人期於十二月九日夜會城北演武廳自大北門入及期兵會城下者才數百守吏已得驚戒嚴不得入且聞騰中有兵至衆散走君至獨何偉伯在相對太息無如何復返馬嶺寨圖再舉君犯瘴癘敝心力歲月已深事敗發憤未至寨疾作又傳言邏者至同人掖君至蒲縹夜中大風雨不能行同人負之疾趨出隴間顛頓不得宿栖止敗窰中至蒲縹主何興家嘔血斗許遂卒方病革見何

偉伯楊毓銑何興吳品芳彭莫侍顧曰我死慎事惟李君根源羅君佩金可繼而不忘  
此日志者宜以吾言求之其後吳品芳彭莫入講武堂於反正咸有功奉君志也君之  
卒官吏方求之急楊毓銑以夜半啟先壘生壙而藁葬焉辛亥九月全慎起義彭莫率  
師定永昌發壙求之骨坵土皆黑斂時遺銀一錠土中與骨俱黑觀者幾千人皆流涕  
於是具棺槨改殯於郡城根源時居部中與見任軍政部總長羅君佩金參謀部總長  
殷君承瓚見任軍務部總長沈君汪度第一旅長李君鴻祥上其事都督府誅忠毅予  
恤金三千元以禮葬君太保山彭莫尋遭變死以從君葬墓左君生於甲戌九月二十  
四日卒於戊申十二月十一日年三十有五配角氏無子弟振國振芳以振芳之子銑  
爲君嗣女二長奇珍適謝次感年待字君詩文率脫口而出振筆而書感時憤世成即  
棄去不留稿然悲壯之氣激楚之音掇皮皆真足以感人散見於雲南雜誌及郵亭旅  
壁者暇當收拾而附刊於續滇詩文略中李君之言如此繁而不殺以存其真以俟治  
國故考變革之君子有所徵焉嗚呼士立身如此可以勸交友有終始如李君亦可以

風矣中華民國元年壬子夏四月十七日劍川趙藩謹表按篇中事蹟特就記憶所及並就何興楊毓銑所述而排比之如有舛漏暨須點定之處希公同商訂並呈松坡先生暨同志諸君斟酌爲幸此有關係文字不敢草草也墓碑即擬列松坡先生名仍請樾老書丹在騰所建秋帆祠已落成永城以舊日萬壽亭改建亦將興工墓工告竣在即文待入石盼速示復根源叩皓印

贈正都尉彭君墓表

吾友楊君秋帆死蒲縹之年余在東彭生堯階與門人輩實負土以葬又使人以書抵余以秋帆之喪告明年余始南歸堯階來謁余昆明又致秋帆之命而言曰先生之死也以先生之事屬公使莫求公而致先生之言且使莫從以求畢先生之志會講武堂開乙班又請曰先生沒門人懼難不敢里居亦至憾其學未就故嘗入中學校半歲無所得茲來願得學於軍旅之事亦猶先生志也余既高堯階之義又重感其言而庶幾有以成亡友之意因使變里籍入焉卒業第最高而講武堂蒙嫌疑於時出隸防軍復

戊騰越送之曰昔楊君不恥於管帶人亦視其志何如耳事無不可爲者騰又楊君生平所經營地也生勉之而已堯階亦慨然往尋余以片馬事出騰堯階又來從余過蒲縹里使道以求秋帆葬處固固不肯乃望祭而行是時秋帆沒兩年矣黨人懷憤散走邊徼陰求徒黨勢駸駸以大堯階之至凡同舍生在兵中者又深結之辛亥九月騰衝舉義之役一呼而四起不戰而遂定者兵皆屬也夫秋帆之生所爲極難矣而卒無成此雖以其時亦秋帆之死有以激之也歟於是騰既定永昌猶搶攘復分兵予堯階守之顧初舉事亟於號召轉相附從者日衆兵既不及簡練又出徇旁郡勢益分散一二人不輯全體幾被疑余受命來獨聞人言堯階守永昌能輯兵保民甚嘉之師次永昌定危疑解軍興法布政命亦多得其力時議弭西南患首裁兵慮不能無動搖屬當至騰乃召堯階而以永事屬比去之三日主兵者錢泰豐餞客於郭西門堯階與泰豐得手槍視人試已還之機觸彈出中泰豐而仆則皇遽欲自殺爲客所持又請自詣獄抵罪而泰豐兵至圍攻之身被四創死方亂時有泰豐部曲李岐山者彈貫腦亦死故歷

十二月十二日也泰豐兵猶洶洶不已道聞變電守吏等彈壓之始定然未幾而有黃鑑鋒之亂余是以益痛堯階死而永事無可屬也事聞錄守永功褒贈正都尉而令永人以體殮初堯階至永求秋帆骸骨改殯於城南寺中堯階歿又於此殯焉師旋駐永昌永人謀所以葬余以爲堯階保永昌有功而事秋帆又特有終始也元年四月十五日率將士發喪葬於太保山而祔於楊君之墓烏乎以堯階之才而假以年其所成豈可限哉既有施矣遽靳其用其命也夫雖然堯階從秋帆於難而卒竟其志死又得祔秋帆以葬於此亦可以無恨矣堯階名莫世居保山之蒲縹父永年母宋氏卒年二十四娶段氏無子以兄之子乃賢嗣女一旣葬永人以墓上之文請而著其事如此志吾悲云中華民國元年夏四月二十七日騰衝李根源表劍川歐陽欒書

騰衝府城西寶峯寺西南名勝之區明遺老雷石庵尙書胡二峰侍郎徐宏泰才伯周東華先生肥遯之地也擘擘碑碣想像羹牆高山景行百世不墜今樓中爲龕楹奉諸賢栗主於中而祠祀之費與歲修之費尙無所出因查寺中尙各租穀前爲官中提撥

其於存古之道實悖希該公所即便查照切實調查究竟該寺租穀已提若干補助學費自本年爲始免其提撥仍歸寶峯寺值年董事經理以作歲時祭祀及修理之費其學款項下既將此項租穀發還設不敷用由該公所另行籌議補助切切此令右令騰衝府自治公所

前以騰城萬壽亭改建前明諸先烈祠五皇殿改建楊忠毅公祠業經命令商會議員張顯然張楷自治公所議員金殿書監修在案特是工程零瑣且該兩處距離過遠該紳等勢難兼顧復經商務分會公舉華紳履坦王紳萬清等任監修楊忠毅公祠除分別委任行知騰衝府自治公所外合行給狀爲此仰該員即便遵照一切工程務須商承騰衝府會商自治公所並會同金紳等妥爲監修毋得草率所有開支工料各項一俟工竣應即據實造冊呈報核銷切切此狀右狀給監修華履坦王萬清

殉國所奉木主式共十塊

明季舉家殉節世襲騰衝千戶李玉奎世襲千崖土司刀鎮國騰衝衛右所百戶蘭德

美世襲千崖土司刀定邊永曆帝殉國之二年癸卯舉義昆明烈士尹士鏞諸神位

明永曆帝扈從奔緬甸國世職錦衣衛指揮任子信百戶吳麻子錦衣衛百戶朱文魁  
陸涼衛千戶吳某錦衣衛千戶吳承應錦衣衛千戶王大雄錦衣衛千戶趙民鑑錦衣  
衛千戶張拱極錦衣衛指揮王國相錦衣衛千戶劉相錦衣衛千戶劉廣甯錦衣衛千  
戶宋國柱錦衣衛千戶丁調鼎洱海衛前所千戶李既千戶白凌雲千戶鄭文遠錦衣  
衛百戶宋宗章諸神位

明永曆扈從奔緬甸國晉王部將靖東將軍魏豹總兵龔勳總兵陳謙總兵王自京總  
兵熊維賢總兵姚文相前軍都督馬雄飛總兵王革字總兵王昇總兵安朝柱總兵王  
啟隆諸神位

明永曆帝扈從文臣吏部左侍郎張宗伯御營中軍姜成德禮部主客司主事王祖望  
秉筆李茂芳東宮典璽李榮貴鴻臚寺序班尹襄國子監學錄潘璜通政使朱蘊金河  
南道監察御史鄧昌琦吏部右侍郎鄧士廉太常寺博士鄧居詔禮部右侍郎楊載雲



南巡按御史任國璽禮部儀制司員外郎斐廷謨兵部武選司主事郭璘國子監典簿  
齊應選御營旗鼓吳承爵秉筆楊宗華內監陳德遠諸神位

明永曆帝扈從奔緬殉國世爵世守雲南黔國公沐天波後軍都督綏賓伯蒲纓泰安  
伯總兵寶民望叙國公總兵馬維興華亭侯王維恭諸神位

明永曆扈從奔緬殉國宗室吉王蒸燿吉簡王松滋王瑞昌王朱儀漆諸神位

明季扈蹕大臣招討大元帥晉王李定國神位

明初征麓川戰死平蠻將軍右都督威遠伯方忠毅公政都指揮同知侯義都指揮同  
知顧勇都指揮同知陳翊都指揮僉事江洪諸神位

明再征麓川戰死臨安衛後所百戶葉晟忠顯校尉管軍千戶李轅懷遠將軍蔣雄武  
略將軍千戶李繼兒臨安衛左所百戶邵謙大理土經歷董寶諸神位

明征緬戰死楚雄衛指揮使吳繼勳永昌把總邱順鶴慶千戶祝維垣永昌把總李潮  
甯州土目者義諸神位

開創祠所奉木主式(共五块)

明金騰副總兵劉縉騰衝參將鄭子龍孟密把總高萬春諸神位

明征虜將軍沐春征南將軍黔國公沐晟征虜左將軍何福禮科給事中杜隰諸神位  
明開慎第一元勳征南副將軍西平侯沐英神位

明兵部尙書靖遠伯王驥刑部侍郎雲南巡撫楊甯騰衝都指揮陳昇征南將軍沐昂  
平蠻將軍定西伯蔣貴兵部右侍郎參贊軍務侯璉都督僉事方瑛錦衣衛指揮僉事  
定襄伯郭登雲南巡撫丁璿刑部侍郎樊瑩騰衝司指揮使李昇神位諸

明雲南巡撫陳用賓騰越州知州沈祖學金騰參政郭緒雲南巡撫劉世曾金騰兵備  
道李材永昌同知漆文昌騰越州知州李之仁諸神位

遺逸祠所奉木主式(共二块)

明遺老諸生葉奕段眞吳茂桂諸神位

明遺老太僕寺卿工部右侍郎胡璇太子少保禮部尙書雷躍龍河南道監察御史鄧

凱騰衝都指揮僉事練兵衛總管李正雄雲南巡撫錢邦芭雲南右布政使徐宏泰諸神位

明遺老周東華寶藏師擔當團瓢和尚江南行脚僧諸神位

烈婦祠所奉木主式(共二塊)

明殉國變烈婦永曆帝妃劉氏楊氏松滋王妃馬氏大理寺卿齊環之妾王氏御營旗鼓吳承爵之妻 氏總兵王啟寵之妻吳氏及妾周氏雲南巡按御史任國璽之妻

氏諸神位

明抗義來歸烈母蠻莫土司思順之母罕送完城待援義母孟養宣慰司思義之母思氏聞難殉節烈婦孟養宣慰司思義之妻陳飄諸神位

爲札飭事照得騰衝一隅當有明之初既以邊遠之地開闢爲最先洎乎有明之末又因出亡所經悽愴爲倍至彼開國之沐西平蔣定西諸人殉國之李晉王沐黔國諸人固其最著者矣而其間兩征麓川一伐緬甸若王靖遠劉草堂鄧武楷則以戰功著方

忠毅蔣懷遠吳指揮則以戰歿聞他如賢臣逸老則胡侍郎雷尙書錢中丞不可以不紀又如烈婦貞女則永曆帝妃松滋王妃以及桑飄罕送不可以不旌凡若此者或則有功于國或則有德於民或則以死勤事各有主名悉當從祀夫廉頑立懦者往哲之盛心而崇德報功者後人之責任本總司令生長是邦景行自昔來綜西事既戡干戈念民國肇興之際正世道剝復之交欲樹風聲以挽頹俗合亟札諭仰卽將城內萬壽亭改建名曰明賢崇報祠以隆典禮以妥英靈所需經費著以董友芳報効項內撥二千兩以資興築札到該府卽便遵照會同自治局紳妥籌辦理樹之栗主俾各依類相從攷之志乘要使無或挂漏以時致祭無或不虔切切特札計發崇祀諸賢栗主式一紙

令騰衝開創殉國遺逸諸先烈祠及楊忠毅公祠堂經本總司令官命令騰衝府暨自治公所監督修理在案所有工程事宜自應委員經理以專責成茲查有商會議員張顯然張楷自治局議員金殿書堪以委任監修委員除分別委任外合行給狀爲此仰

該員即便遵照一切工程務須秉承騰衝府自治公所妥爲監修無任草率所有開支購辦工料價目工竣造冊報請驗收可也此狀右狀給監修委員張楷張顯然金殿書令有明平緬功臣劉鄧兩公祠宇年遠失修星霜縹飛樑棟摧壞亟應派員修理以闡先烈茲查有王紳朝紳吳紳中垠堪以委充監修委員除分別委任外合亟命令爲此仰該府公所即便遵照此令除行知騰衝府自治公所外合行給狀爲此仰該員即便遵照一切工程務須商承騰衝府暨會商自治公所妥爲培修毋得草率所有開支工料各項一俟工竣應即據實造冊呈請核銷切切此狀右命令騰衝府自治公所右狀給監修委員王紳朝紳吳紳中垠

令嘗考城隍之字見於易象後世妄附釋典益之俚誕造設地獄刻畫牛鬼習焉不察至列祀典考禮者病焉然要其初大抵社之遺意也流俗沿謬淫祀滋盛而治民者故與之委蛇又示以荒誕愚民之術今不取焉夷俗好巫永郡尤盛放棄人道求事鬼神巫覡之風緣以昌熾爲風俗害非一日矣今者變革之始首在教育教育之行首在社

會此固移風正俗者之所有責也禮鄉先生沒而祀於社今永人傳說以爲斯郡城隍之神楊務本先生實主之按務本先生傳河洛之學張洙泗之教一時南園諸公咸出其門隱德勿耀百世所宗崇德之報宜祀於社而世俗附會寢懼失真且託之詭怪尤非所以事先生也宜正其祀爲楊象山先生祠堂舊所爲土木偶像及所造地獄諸變相悉從斥毀而奉先生木主於其中祛一方之巫風導景賢之真意其於反經正禮章志貞教爲用實大令到該

府公所

遵照會同

自治公所永昌府

辦理並出示通諭俾衆知悉此令永

昌府知府由雲龍自治公所計頒扁額一方木主式一紙

令古者鄉先生沒而祀於社範金樹闕西俗箸稱是知闡揚世教四海而準吾郡自瀾滄始渡哀牢置縣漸染聲教其來已遠惟茲郡治猶被漢名於今遺俗尙同吳會蓋聲明文物彬彬與中土同風者久矣山川荐靈賢哲間出呂凱揚聲於漢世揚氏延封於唐代南園之後厥有愈光賁所文章門業眉山同美橫峯有詠既却弓旌象山設教亦傳河洛薛忠直建儲之疏王侍御譽謬之節張刺史殉國於廬郡胡侍郎行遜於寶峯

其他或著節巖野或振聲朝籍名德相望代有其人今遺獻未湮流風難繼民德日薄習俗瘠偷豈古今之不相及抑教養者無其具也然則表章先民以詔來者故崇報之義宜然亦風教之所有事也本師長昔居郡學企慕前修細理遺文想像風烈往歲游學東國篋衍所置獨有郡志一書橐篋相隨寢饋不廢良以啓發見聞於鄉爲切今者師行需次重慨頽風振弊起衰此其先務詢之士紳以爲郡治有文昌宮祀典旣撤不得復存而規制可因改作爲便宜即其故宇改爲鄉賢祠有司以時致祭著爲常典所有修建經費工程事宜卽由永昌府會同自治公所辦理亟用經始聿觀厥成庶幾百世之下猶觀其奮興十室之邑不乏於忠信此令永昌府知府由雲龍自治公所

一件據順甯府知府張守呈改建明戶部尙書龔公祠呈文

批呈悉明龔尙書和梅志節貞亮正氣凜然明祀禮渥崇報義闕該府以順郡昭忠祠改爲公祠昭大節於遐陬發幽光於奕禩被覽來牘嘉慰良深碑文已請趙巡按使撰成附本師長所題磅礴萬古額一方希卽勒石刊懸以表孤忠而光盛舉碑文額字並

發此繳

明死節戶部尙書順甯龔公祠祀碑

中華民國光復之元年春雲南第二師長李君印泉檄順甯守張君漢皋於郡城昭忠祠廬正室置特龕祀明死節戶部尙書龔公栗主既奉安成禮來徵文勒石昭示百世義不敢以不文辭則謹操筆濡墨而大書之曰嗚呼公之死國事則可謂忠矣烈矣從容慷慨毫髮無遺憾者矣攷公以天啟四年舉人崇禎元年成進士歷官南京兵部郎中見器於閣部史公可法以事使桂林未復命而南都陷永歷帝立於肇慶留贊閣部瞿公式耜機務已而暫假返滇適會金滄道楊公畏知黔國公沐公天波以大義結孫可望共扶明室公從沐公自永昌至省會尋從楊公詣行在至則疊被恩命擢兵部侍郎轉戶部尙書隨扈至滇出徵迤西南兵餉事未集而乘輿播遷入緬公追從不及匿山中得晉王李定國書知帝所在迺微服間關說各土司起兵沅江土知府那嵩者公門人也首舉義各路多應之倉卒蹉跌卒無成功而吳三桂已率軍臨緬勒送帝出挾



之東下公要於路尾行至昆明具酒肴于守者謁帝守者拒之公厲聲曰此吾君也我爲其臣君臣之義南北皆然我祇一見耳何拒我爲守者啟三桂許之公入謁陳席堂上請帝出朝禮畢進酒帝稱謝痛哭不能飲公亦伏地哭不能起再勸帝飲帝勉飲三爵公再拜哭不止兩目血漬溢頭觸地而死帝驚痛幾仆觀者愴惻公死三日而帝亦被害時康熙元年三月十八日也嗚呼委質爲人臣適君父之難委曲求濟不濟則以身殉一瞑不視攀髯地下古忠臣烈士皆以之而公之從容慷慨審處曲當其心苦者其節彌光矣粉社薦馨香勵教化宜哉宜哉而裨官野乘郢書燕說猶有誣廁公姓名於附孫降吳之列者不知楊沐二公之結可望即光武用赤眉銅馬之機權也而侈歸附之有望人斯三桂盧張首虜之慣習也卒之公之心跡皎然暴白正不待辯而自明矣順甯距城二百里許有螭蟻巖者群峭摩天線路斗折鄉里傳公少年時曾鑿巖結屋讀書其上所爲文章奇偉肖其爲人惜已盡佚僅存者城北飛來寺碑作彼教中語而立達之宏志隱露行間云公諱彝字和梅先世自山東徙滇世居順甯城東古山橋

保山之龔侍郎鼎亦其族人例得備書之以貽張君鐫貞珉而樹之祠下以昭李君式賢闡幽之義而永郡人之思劍川後學趙藩謹撰

令文昌乃星名非神也後世附會建祠設祀荒誕不經曾經通飭罷祀在案查有永平先賢楊忠烈生當鼎革之朝彌勵忠貞之節捐軀殉國大義凜然正宜崇祀以昭來許著將該縣文昌宮改爲楊忠烈公祠稍加修葺並設粟主歲時以禮祭祀勿殆庶先烈不至湮沒而百世猶知奮羣非僅永平之榮抑亦全滇之光令到仰該縣該公所即便遵照會同自治公所永平縣迅速辦理此令永平縣知縣李治永平自治公所

令案查該縣申送該永昌府准鄭中隊移交清獲叛匪各項銀兩計肆拾陸件業經該永昌府造摺呈報批准存留變價在案現在修建永平明楊忠烈公祠堂需款甚殷着將該李令前次申送各物變賣獲銀若干仍由該永昌府如數提出發交李令該作爲修建經費工竣由該李令報銷除令知永昌府外合行命令爲此仰該縣即便遵照辦理此令永昌府知府由雲龍永平縣知縣李治

令博南山躋有寺曰永國明永曆帝駐蹕時之所建也乃其垣墉則隳敗其階砌則傾圮其花木則殘摧其殿宇棟樑則雀穿鼠剝不足以蔽風雨也入其內則瞻永曆君臣之粟主睹晉王之遺書因以想夫當日板蕩之哀戰事之烈而舊臣逸老託跡茲山者姓名之泯滅而不少概見又不禁重呻而累唏也夫前人於艱危之日創建於前後人乃無繼續之思以護持於後銅狄摩挲良用浩歎亟宜修葺以復舊觀昨者行抵於斯地方士紳及寺中住持又以爲請查有鶴麗鎮丁鎮台捐助永歛著撥銀壹千兩及由抄沒王榮邦家產變價銀內著提出該犯前欠寺租銀壹百陸拾兩共計壹千壹百陸拾兩專爲修建經費以永平李知縣治趙巡檢熙泰爲督修杉陽紳首楊有名萬邦煥國名爲監工均不支薪由該府分別給委以專責成並飭剋日興工趕爲修理俟工竣即於院中雜植花木由住持妥爲培養寺中每年舊有租穀卅全數撥還寺中除完納錢糧外以二千幫給住持費用餘則卽作歲修經費每年仍由該府隨時查看遇有滲漏坍塌委員修補此項租穀他處不得挪用此蓋三百年來歷史之名蹟而晉王倚

樂染翰尤舉國所未見守土之吏後來之士所當共保存於勿壞者也令到仰該府卽使遵照迅速辦理並勸石寺中以示久遠切切此令永昌府知府由雲龍

大理師長鈞鑒灰電敬悉永國寺工程石料已陸續運去木料就本山伐用惟秋後適宜杉陽官紳以秋後動工期其堅固爲請乞展緩丁鎮台捐欸應由何處請領乞示署府雲龍署縣治叩元印

令據永國寺住持開發花橋紳士黃學文等稟稱永國寺常住碑記所載田畝曰杜文秀倡亂以後被北山冲馬阿七馬兆元霸種一段山梯田係坐落田心東至馬家田西至本田南至本田北至馬家田種谷四十畝租谷壹百伍拾畝北山冲馬阿位馬有順霸種二段山梯田均係坐落廟山下一段東至馬家田西至吳家田南至山北至馬家田一段東至山西至山南至溝北至溝種谷四十五畝租谷壹百六十畝小花橋張蛟奇洞馬雙元霸種一段山梯田係坐落八木嘴東至王家田西至山南至李家田北至張家田現已多年尙未歸還懇請追還等情前來查來稟係以碑記爲攷証以地址爲

憑據自係實情卽由縣迅傳馬阿七等到案質訊明確飭將田照繳出並將歷年侵蝕租谷按數勒追概行撥歸永國寺作爲歲修經費該馬阿七若有抗違勒繳後仍照侵吞公款律議擬治罪除令

永昌府  
永平縣

遵外仰該

府

卽便遵照迅速辦理並將辦理情形稟報查攷合行令知爲此仰

該府

卽便知照此令永平縣知縣李治永昌府知府由雲

龍

永昌由太守騰衝黃太守暨兩府自治公所商務分會鑒前令飭由守由丁氏捐欸內撥銀壹千元作爲修理永國寺經費現在丁氏捐欸已經分別劃作騰永實業公司資本金着卽由劃騰欸內撥發一千元查丁氏捐欸出於騰永兩郡公共名義雖騰永平均分劃惟騰之公欸已多且籌措亦較永爲易故以多數歸永非厚此薄彼吾鄉人士素持公義必能諒我區區也根源卽刪印

永平李令覽號電悉馬開選罪無可道本應從嚴懲辦方足以申法紀惟據永紳迭次紛紛懇求寬宥前來該犯既知悔悟且願出銀八百贖罪從寬照准予以自新嗣後務

宜嚴加管束所請以田作抵亦准照辦着以七百兩爲辦理地方公益及學警等費以一百兩爲修理楊升庵先生祠堂費募兵一事煞費苦心足見熱誠尤佩總司令馬印夷考城隍二字見於周易泰之上六城復於隍注訓城爲環郭之牆隍爲繞城之水又禮經天子大臘八水庸居其七庸卽城也水卽隍也蓋古者天子於歲十二月合聚萬物而索享之初未嘗以爲神也其後吳赤烏二年創建城隍廟是爲城隍有廟之始封城隍爲王則始於後唐莊宗封城隍爲帝則見於明史洪武紀以鬼神爲城隍則見於明史蘇絨傳至於城隍神按治陰曹之事諸誕說則又見於夷堅志按之經傳是城隍卽城池二物而後世乃合而稱之以爲神崇其廟祀美以敕封且附會以地獄泥犁之異說牛鬼蛇神諸變相致今愚民溺於報應奉以香火崇拜頂禮沈溺而不悟良可慨也禮鄉先生沒而祀於社今各州縣地方皆有城隍廟以爲收納魑魅罔兩之區或無鄉賢祠以爲徵求文獻羹墻之地故里先民或垂遺書以詔後學或著奇節而昭志乘或隱德勿耀不顯當時或偉烈豐功流澤後世者往往不得與於祠廟蒸嘗之盛坐是

神權發達人事廢弛往哲之遺緒就湮巫覡之澆風滋盛此亦移風正俗者之責也又各處學堂多緣欸絀因陋就簡推廣爲難方今釐正祀典所有各州縣城隍廟亟宜罷斥毀其偶像就其廟宇改爲鄉賢祠如所治已有鄉賢祠者即改爲學堂將廟中原有公產撥充地方經費除通令示諭外合行令飭爲此令仰該 即便遵照限文到十日內卽將城隍廟扁額偶像一律銷燬量予改建庶幾景行前賢破除迷信共瞻先民之矩矱益發潛德之幽光而表揚先烈者即所以陶成後進異日之學風丕變人才繼起亦可於今日之崇德象賢卜之矣仍將奉文遵行日期報查此令各府廳州縣

一件據太和民尹佩銘等稟請建立專祠以旌死節由

據稟閱悉該民遠祖尹志烈公明末殉節潁州大義凜然予諡建祠各節昭之史冊垂諸志乘本總司令欽式先正夙深景仰茲據稟請建祠喜世澤之綿延求志事之繼述允宜准其自行捐資就喜洲財神殿所餘空地一區建祠奉祀以彰先烈而式後來並發去匾額一方俟祠宇落成敬謹懸掛以示本總司令表揚忠節至意候呈報

查得太和舊日有繞山林會每年於陰歷四月下旬藉拜神酬願爲名男女混雜聚會遊行敗俗傷風莫此爲甚迭經地方官紳嚴切諭禁而無知鄉愚未除迷信日久生玩故態復萌當此百度維新亟宜湔除惡俗當卽派弁協同縣紳將金源寺之佛都神都各廟偶像掃除淨盡以絕淫祀而正人心合亟出示曉諭諸色人等知悉以後繞山林會永遠禁革不得再蹈故轍如敢有意違抗定卽嚴拿獲案照妖言惑衆律以軍法懲辦該地方官紳並即多派警察傳諭村團認真查禁毋稍縱徇切切特示

一件據太和紳士王聯珠等稟重修古蹟懇恩批准勒諸貞珉文

公稟閱悉該縣城南十里之大石庵南中名勝本總司令師行所至無時不以保存古蹟爲念茲據該紳等稟懇將庵原有之下關渡口年租壹百貳拾千文除撥學堂經費七十千外所餘之伍拾千作爲該庵歲修項下之資應卽照准以存古蹟另單所呈各條毋庸置議候令飭大理府立案并令該縣自治公所查照可也碑文并發摘由批滇省軍都督殷總長羅總司令沈次長謝李兩旅長鄭姜兩參謀長貴陽唐都督庾韓



兩總長鑒頃得鎔軒文電知子和殞命黔中賊勦何極吾滇首義厥維楊黃秋帆未覩其成子和終竟其志而大業初定哲人云亡天終不令英雄享其成耶嗟來日之大難悼死友之長往臨風雪涕不知何從騰永一隅皆秋帆子和生平所經營地今兩郡已爲秋帆建立專祠欲並祀子和於中鑄像如已決議秋帆似亦當在斯列並希提議以彰風烈子和遺事在騰永者爲多已與張紹三君同任采輯用備編纂並擇期集合軍紳學界於榆城開大會追悼並聞根源叩寒印

重修大石庵序環球宗教有三曰耶曰回爲一神教曰佛爲多神教耶教之傳播將遍五洲回教則半播亞非之間佛則東方大陸全受影響而達摩西來六祖二宗流風愈遠發達殆過乎印度近世如日本之空野月照且以通禪悅而助維新此威護法力宜於新世紀放大光明也大理爲古南詔自白飯王後歷蒙段皆禮佛邑中多寺院尤以大石庵爲箸里巷相傳中古時此爲澤國有那刹邪龍据之觀音制之又負巨石以驚鄰寇事載白古通其說荒渺然因是有大石庵之建且家奉一像見郡志風俗類中往

歲燬於兵火總督岑毓英感十三異物之夢而重修之越四十年辛亥義師颺起遂建共和雖在搶攘之初邑中安堵如故婦孺無知由是以度一切苦而念彼觀音力因見殿宇彫敝佛像剝落集議重修以余師行所至屢燬淫祀邑紳王聯珠等數數以保存古蹟請并請以下關渡口稅五十千文爲歲修費山門外有闌肆三楹年得錢十千零八百文及寺中所謂籤錢者爲寺僧香火費余以信仰自由來意不悖允之客駁議曰近世宗教家皆以偶像爲非十六世紀新教改革曾破畫像阿拉伯人望空拜主佛則丈六莊嚴始爲信仰恐與宗教的反對則應之曰金人入夢象教流傳其來尙已嘗以爲對於宗教信仰則是迷信則非使奉佛者皆能解其微義暢其宗風以智慧之修爲哲理之導夫豈不善然非人人之所能頂禮膜拜歡喜贊歎是迷信也信仰起焉况名山古刹此固歷史文明之遺蹟所在宜保存者乎佛以慈悲爲義耶以博愛爲義穆罕默德以救世爲義與儒家大同之旨訴合皆於世界有感化力願吾國人以華嚴上乘助新文明以淨土下乘化愚夫愚婦此庵之重修未始無說埃及之金字塔耶路撒路

之聖陵其一例也聊發其意以付之共和紀元壬子夏六月騰越李根源撰

令案查各屬鄉賢祠曾經通飭將舊有之城隍廟改建並將各廟年收款項提歸祠中作爲歲祭時修經費各在案惟榆郡秀毓銀蒼靈鍾玉洱自盛長通而後其間卓犖瑰奇忠貞毅烈清潔宏碩之士代不乏人洎明以降羣賢崛起彪炳志乘班班可考本總司令緬追前範景仰彌深宜亟經營以章先軌前中隊長鄭別在永截擄之銀錢賍物著司即一概撥交該府自治公所作爲修建經費除令自治公所外仰該府即便遵照辦理剋期興舉早日觀成是所切盼此令大理府知府秦恩述

令本總司令前在騰衝釐正祀典議以各郡縣治文昌宮改爲岳忠武廟電准部復并通令在案大理郡治舊無忠武廟祠典禮闕如而文昌宮頽敝已甚改作所費太鉅據大理府秦守面稱郡城有東嶽廟無關祀典事亦不經而宇殿粗完改修尙易請將東嶽廟改爲忠岳武祠等情因卽照准並由本總司令飭發前永北子樹仁罰贖之銀貳百圓以爲改修之費並准將東嶽廟原有香火田租撥作常年香火歲修之用務於本

年秋祭之前一律竣工毋致延誤除呈報咨行外合行令知爲此仰該府暨自治公所  
卽便遵照辦理此令大理府知府秦恩述